

CHINESE - JAPANESE LIBRARY  
HARVARD - YENCHING INSTITUTE  
AT HARVARD UNIVERSITY  
YAMAMOTO  
NOV 21 1958

T 5237.47/1332

17



唐詩類苑卷第六十六

明雲間張之象玄超甫纂輯

雲間黃體仁長卿甫編次

雲間王徹叔朗甫補訂

梁谿曹仁孫伯安甫校正

樂部

箜篌

箜篌謠 有序

李白

一曰公無渡河崔豹古今注曰箜篌引者朝鮮津卒霍里子高妻麗玉所作也子高晨起刺船有一

哈佛大學漢和圖書館珍藏印



唐詩類考 卷之二十一  
白首狂夫被髮提壺亂流而渡其妻隨而止之不  
及遂墜河而死於是援箜篌而歌曰公無渡河公  
竟渡河墜河而死將柰公何聲甚悽愴曲終亦投  
河而死子高還以語麗王麗王傷之乃引箜篌而  
寫其聲聞者莫不墮淚飲泣麗王以其曲傳隣女  
麗容名曰箜篌引又有箜篌謠不詳所起大略言  
結交當有終始與此異也

攀天莫登龍走山莫騎虎貴賤結交心不移惟有嚴  
陵及光祖周公稱大聖管蔡寧相容漢謠一斗粟不  
與淮南春兄弟尚路人吾心安所從他人方寸間山

海幾千重輕言托朋友對面九疑峰開花必早落桃  
李不如松管鮑久已死何人繼其蹤

箜篌後謠

結交在相得骨肉何必親甘言無貴實世薄多蘇秦  
從風暫靡草富貴上升人一作真不見高巔樹摧折下  
爲薪豈覩井口泥時至出作塵

箜篌引

王昌齡

盧一作瀘溪郡南夜泊舟夜聞兩岸羌戎謠其時月黑  
猿啾啾微雨沾衣令人愁有一遷客登高樓不言不  
寐彈箜篌彈作蘇門桑葉秋風沙颯颯青塚頭將軍



鐵驄汗血流深入匈奴戰未休黃旗一點兵馬收亂  
殺胡人積如丘瘡病驅來役邊州仍披漠北羔羊裘  
顏色饑枯掩面羞眼眶淚滴深兩眸還思本鄉食鼈  
牛欲語不得指咽喉或有強壯能咿嚶意說被他邊  
將讐五世屬藩漢主留碧毛氊障河曲遊橐駝五萬  
部落稠敕賜飛鳳金兜鍪爲君百戰如過籌靜掃陰  
山無鳥投家藏鐵券特承優黃金百斤不稱求九族  
分離作楚囚深溪寂寞絃苦幽草木悲感聲颼颼僕  
本東山爲國憂明光殿前論九疇麓讀兵書盡冥搜  
爲君掌上施權謀洞曉山川無與儔紫宸詔發遠懷

柔搖筆飛霜如奪鈎鬼神不得知其由憐愛蒼生比  
蚍蜉朔河屯兵須漸抽盡遣降來拜御溝便令海內  
休戈矛何用班超定遠侯史臣書之得已不

筮篨引

一作公無渡河

李賀

公平公平提壺將焉如屈平沈湘不足慕徐衍入海  
誠爲愚公平公平牀有管席盤有魚北里有賢兄東  
隣有小姑隴畝油油黍與葫瓦甌濁醪蟻浮浮黍可  
食醪可飲公平公平其柰君被髮奔流竟何如賢兄  
小姑哭嗚嗚

李憑箜篌引

李賀



唐詩類苑 卷之六十一  
吳絲蜀桐張高秋空山凝雲頽不流江娥啼竹素女  
愁李憑中國彈箏篋崑山玉碎鳳凰叫芙蓉泣露香  
蘭笑十二門前融冷光二十三絲動紫皇女媧煉石  
補天處石破天驚逗秋雨夢入神山教神嫗老魚跳  
波瘦蛟舞吳質不眠倚桂樹露脚斜飛濕寒兔

鐘

詠鐘

李嶠

既接南陵磬還隨北里笙平陵通曙響長樂徹宵聲  
秋至含霜動春歸應律鳴欲知長待扣金簾有餘清

山夜聽鐘

張說

夜卧聞夜鐘夜靜山更響霜風吹寒月竚窸虛中上  
前聲既春容後聲復晃盪聽之如可見尋之定無像  
信知本際空徒挂生滅想

寒夜聞霜鐘

鄭綯

霜鐘初應律寂寂出重林拂水宜清聽凌空散迴音  
春容時未歇搖曳夜方深月下和虛籟風前間遠砧  
淨兼寒漏徹閒裏暑更侵遙想千山外泠泠何處尋

寒夜聞霜鐘

盧景亮

洪鐘發長夜清響出層吟暗入繁霜切遙傳古寺深  
何城亂遠漏幾處雜踈砧已警離人夢仍知旅客襟



待時當命侶抱器本無心倘若無知者誰能設此音  
曉聞長樂鐘聲

漢苑鐘聲早秦郊曙色分霜凌萬戶徹風散一城聞  
已啓蓬萊殿初朝鴛鴦群虚心方應物大扣欲干雲  
近雜鷄人唱新傳亮氏文能令翰苑客流聽思氛氳

寒夜聞霜鐘

渺渺飛霜夜寒寥遠岫鐘出雲疑斷續入戶乍春容  
度枕頻驚夢隨風幾韻松悠揚來不見杳靄去何從  
髣髴煙嵐隔依稀巖嶠重此聊須一聽餘響繞千峰  
寒夜聞霜鐘

寥亮來豐嶺分明辨古鐘應霜如自擊中節每相從  
靜聽非閒扣潛應温聖蹤風間時斷續雲外更春容  
虛警和清籟雄鳴隔亂峰因之諭知已一作感激更  
難逢

遠寺鐘

李嘉祐

踈鐘何處來度竹兼拂水漸逐微風聲依依猶在耳

遠寺鐘

司空曙

杳杳踈鐘發月風清後引中宵獨聽之似與東林近

煙際鐘

韋應物

隱隱起何處迢迢送落暉蒼茫隨思遠蕭散逐一作入



唐詩類苑 卷之六十六 五  
煙微秋野寂云一作方晦望山僧獨歸

鼓

詠鼓

李嶠

舜日諧叢響堯年韻土聲向樓疑吹擊震谷似雷驚  
仙鶴排門起靈鼉帶水鳴樂云行已奏禮日冀相成

鼙鼓行

元稹

淮海生雲暮慘澹廣陵城頭鼙鼓暗寒聲坎坎風動  
邊忽似孤城萬里絕四望無人煙又如虜騎截遼水  
胡馬不食仰朔天座中亦有燕趙士聞鼙不語客心  
死何況鰥孤火絕無晨炊獨婦夜泣官有期

官街鼓

李賀

曉聲隆隆催轉日暮聲隆隆呼月出漢城黃柳映新  
簾柏陵飛燕埋香骨碓發千年日長白孝武秦王聽  
不得從君翠髮蘆花色獨共南山守中國幾迴天上  
葬神僊漏聲相將無斷續

聽鼓

李商隱

城頭疊鼓聲城下暮江清欲問漁陽慘時無禰正平

笙

詠笙

楊希道一作楊師道

短長插鳳翼洪細摹鸞音能令楚妃歎復使荆王吟



切切孤竹管來應雲和琴

詠笙

李嶠

懸匏曲沃上孤篠汶陽隈形寫歌鸞翼聲隨舞鳳哀  
歡娛分北里純孝卽南陔今日虞音奏踰踰鳥獸來

鳳笙曲

沈佺期

憶昔王子晉鳳邊雲空揮手弄白日安能戀青宮  
豈無嬋娟子結念羅帷中怜壽不貴色身世兩無窮

題笙

羅鄴

筠管參差排鳳翅月堂淒切勝龍吟最宜輕動纖纖  
玉醉送當觀灑灑金緜嶺獨能徵妙曲羸臺相並吹

清音好將宮徵陪歌扇莫遣新聲鄭衛侵

鳳笙篇

李白

仙人十五愛吹笙學得崑丘彩鳳鳴始聞煉氣餐金  
液復道朝天赴玉京玉京迢迢幾千里鳳笙去去無  
窮已欲歎離聲發絳唇更嗟別調流纖指此時惜別  
詎堪聞此地相看未忍分重吟真曲和清吹却奏仙  
歌響綠雲綠雲紫氣滿函關訪道因尋緜氏山莫學  
吹笙王子晉一過浮丘斷不還

緜山月夜聞王子晉吹笙

張仲素

王子千年後笙音五夜聞透迤遶清洛斷續下仙雲



唐詩類苑 卷之二十一  
泄泄飄難定啾啾曲未分松風助幽律波月動輕文  
鳳管聽何遠鸞聲若在群暗空思羽蓋餘韻自氛氲

緱山月夜聞王子晉吹笙 厲玄

緱山明月夜岑寂隔塵氛紫府參差曲清宵次第聞  
韻流多入洞聲度半和雲拂竹鸞驚侶經松鶴舞群  
蟾光聽處合仙路望中分坐惜千岳曙遺音過汝墳

緱山月夜聞王子晉吹笙 鍾輅

月滿緱山夜風傳子晉笙初聞盈谷遠漸聽入雲清  
杳異人間曲遙分鶴上情孤鸞驚欲舞萬籟寂無聲  
此夕留煙駕何時返玉京唯愁音響絕曉色出都城

喚笙歌

白居易

露墜菱花槿風吹敗葉荷老心歡樂少秋眼感傷多  
芳歲今如此衰翁可柰何猶應不如醉試遣喚笙歌

嵩嶽聞笙

劉希夷

月出嵩山東月明山益空山人愛清景散髮卧秋風  
風止夜何清獨夜草蟲鳴仙人不可見乘月近吹笙  
絳脣吸靈氣玉指調真聲真聲是何曲三山鸞鶴情  
昔去洛塵俗願言聞此曲今來卧嵩岑何幸承幽音  
神仙樂吾事笙歌銘夙心

秋夜安國觀聞笙

劉禹錫



織女分明銀漢秋桂枝梧葉共颼颼月露滿庭人寂  
寂霓裳一曲在高樓

聽隣家吹笙

郎士元

鳳吹聲如隔綵霞不知墻外是誰家重門深鎖無尋  
處疑有碧桃千萬花

銀河吹笙

李商隱

悵望銀河吹玉笙樓寒院冷接平明重衾幽夢他年  
斷別樹羈雌昨夜驚月榭故香因雨發風簾殘燭隔  
霜清不須浪作緜山意湘瑟秦簫自有情

竇夔州見寄寒食日憶故姬小紅吹笙因和

之

劉禹錫

鸞聲窈眇管參差清韻初調衆樂隨幽院妝成花下  
弄高樓月好夜吹時忽驚暮雨飄零盡唯有朝雲夢  
想期間道今年寒食日東山舊路獨行遲

簫

詠簫

李嶠

虞舜調清管王褒賦雅音參差橫鳳翼搜索動人心

關

鳳簫曲

沈佺期

八月涼風動高閣千金麗人捲綃幕已令池上歇芳



非不念君恩坐搖落世上榮華如轉蓬朝隨阡陌暮  
雲中飛燕侍寢昭陽殿班姬飲恨長信宮長信宮昭  
陽殿春來歌舞妾自知秋至榮華君不見昔時羸女  
厭世氛學吹鳳簫乘綵雲含情轉盼向簫史千載紅  
顏持贈君

笛

詠笛

劉孝孫

涼秋夜笛鳴流風韻一作詠九成調高時慷慨曲變或  
淒清征客懷離緒鄰人思舊情幸以知音顧千載有  
奇聲

詠笛

李嶠

羌笛寫一作龍餘聲長吟入夜清關山孤月下來向隴  
頭鳴逐吹梅花落含春柳色驚行觀向子賦坐憶舊  
憐情

武昌老人說笛歌

劉禹錫

武昌老人七十餘手把庾令相問書自言少小學吹  
笛早事曹王曾賞激往來鎮戍到蘄州楚山蕭蕭笛  
竹秋當時買材恣搜索典却身上烏貂裘古苔蒼蒼  
封老節石上孤生飽風雪商聲五音隨指發水中龍  
應行雲絕曾將黃鶴樓上吹一聲占盡秋江月如今



老。去。語。尤。遲。音。韻。高。低。耳。不。知。氣。力。已。微。心。尚。在。時。  
時。一。曲。夢。中。吹。

金陵聽韓侍御吹笛

李 白

韓公吹玉笛，倜儻留英音。風吹繞鍾山，萬壑皆龍吟。  
王子停鳳管，師襄掩瑤琴。餘韻度江去，天涯安可尋。

觀胡人吹笛

李 白

胡人吹玉笛，一半是秦聲。十月吳山曉，梅花落敬亭。  
愁聞出塞曲，淚滿逐臣纓。却望長安道，空懷戀主情。  
與史郎中飲聽黃鶴樓上吹笛

李 白

一爲遷客去長沙，西望長安不見家。黃鶴樓中吹玉  
笛，江城五月落梅花。

和王七度玉門關上吹笛 高 適

胡人吹笛戍樓間，樓上蕭條海月閒。借問落梅凡幾  
曲，從風一夜滿關山。

吹笛

杜 甫

吹笛秋山風月清，誰家巧作斷腸聲。風飄律呂相和  
切，月傍關山幾處明。胡騎中宵堪北走，武陵一曲想  
南征。故園楊柳今搖落，何得愁中却盡生。

青溪半夜聞笛

李 白



羌笛梅花引吳溪隴水清寒山秋浦月腸斷玉關聲

江中聞笛

王昌齡

橫笛怨江月扁舟何處尋聲長楚山外曲繞胡關深  
相去萬餘里遙傳此夜心寥寥浦淑寒響盡唯幽林  
不知誰家子復奏邯鄲音水客皆擁棹空霜遂盈襟  
羸馬望北走遷人悲越吟何當邊草白旌節隴頭陰

剡溪館聞笛

丁仙芝

夜久聞羌笛寥寥虛客堂山空響不散溪靜曲宜長  
草木生邊氣城池況夕涼虛然異風出髣髴宿平陽

聞笛

張巡

岩峩試一臨虜騎附城陰不辨風塵色安知天地心  
門開邊月近戰苦陣雲深旦夕更樓上遙聞橫笛音

聞笛

戎昱

入夜思歸切笛聲清更哀愁人不願聽自到枕前來  
風起塞雲斷夜深關月開平明獨惆悵飛盡一庭梅

聽笛歌留別鄭協律

劉長卿

舊遊憐我長沙謫載酒沙頭送遷客天涯望月自沾  
衣江上何人復吹笛橫笛能令孤客愁淥波淡淡如  
不流商聲寥亮羽聲苦江天寂歷江楓秋靜聽關山  
聞一叫三湘月色悲猿嘯又吹楊柳激繁音千里春



唐詩類苑 卷之六十六  
色傷人心隨風飄向何處落唯見曲盡平湖深明發  
與君離別後馬上一聲堪白首

春夜洛陽聞笛

李白

誰家玉笛暗飛聲散入春風滿路城此夜曲中聞折  
柳何人不起故園情

春夜聞笛

李益

寒山吹笛喚春歸遷客相看淚滿衣洞庭一夜無窮  
鴈不待天明盡北飛

秋夜聞笛

岑參

天門街西聞搗帛一夜愁殺湘南客長安城中百萬

家不知何人夜吹笛

山閣聞笛

羊士諤

臨風玉管吹參差山塢春深日又遲李白桃紅滿城  
郭馬融閒卧望京師

舟中月明夜聞笛

于鵠

浦裏移舟候信風蘆花漠漠夜江空更深何處人吹  
笛疑是孤吟寒水中

野次聽元昌奏橫笛

韋應物

立馬蓮塘吹橫笛微風動柳生水波北人聽罷淚將  
落南朝曲中怨更多



罪所留繫每夜聞長洲軍笛聲

劉長卿

白日浮雲閉不開  
黃沙誰問冶長猜  
只憐橫笛關山月  
知處愁人夜夜來

江樓月夜聞笛

劉滄

南浦蒹葭踈雨後  
寂寥橫笛怨江樓  
思飄明月浪花白  
聲入碧雲楓葉秋  
河漢夜闌孤鴈度  
瀟湘水濶二妃愁  
髮寒衣濕曲初罷  
露色河光生釣舟

聽江笛送陸侍御同丘員外賦

韋應物

遠聽江上笛  
臨觴一送君  
還愁獨宿夜  
更向郡齋聞

聽江笛送陸侍御

丘丹

離樽聞夜笛  
寥亮入寒城  
月落車馬散  
悽惻主人情

江上笛

白居易

江上何人夜吹笛  
聲聲似憶故園春  
此時聞者堪頭白  
况是多愁少睡人

漢江上笛

元稹

二月十五日夜於西縣白馬驛南樓聞笛  
悵然憶得少年曾與從  
兄長楚寫漢江聞笛賦  
因而有愴耳



小年爲寫遊梁賦最說漢江聞笛愁今夜聽時在何處月明西縣驛南樓

村笛

韋莊

簫韶九奏韻淒鏘曲度雖高調不傷却見孤村明月夜一聲牛笛斷人腸

寄珉笛與宇文舍人

杜牧

調高銀字聲還側物比柯亭韻校奇寄與玉人天上去桓將軍見不教吹

寄灃州張舍人笛

杜牧

髮勻肉好生春嶺截玉鑽星寄使君檀的染時痕半

月落梅飄處響穿雲樓中威鳳傾冠聽沙上驚鴻掠水分遙想紫泥封詔罷夜深應隔禁墻聞

秋笛

杜甫

清商欲盡奏奏苦血沾衣他日傷心極征人白骨歸相逢恐恨過故作發聲微不見秋雲動悲風稍稍飛

胡笳

胡笳

鄭愔

漢將留邊朔遙遙歲序深誰堪牧馬思正是胡笳吟曲斷江山月聲悲雨雪陰傳書向蘇武陵也獨何心

胡笳曲

王貞白



唐詩類苑 卷之六十一  
隴底悲笳動隴頭鳴北風一輪露月落萬里塞天空  
戍卒淚應盡胡兒哭未終爭教班定遠不念玉關中

胡笳曲

王昌齡

城南虜已合一夜幾重圍自有金笳引能霑出塞衣  
聽臨關月苦清入海風微三奏高樓曉胡人掩淚歸

碧笳曲

温庭筠

朔管迎秋動雕音鴈來早上郡隱黃雲天山吹白草  
嘶馬悲寒磧朝陽照霜堡江南戍客心門外芙蓉老  
聽董大彈胡笳聲兼寄語弄房給事

李頎

蔡女昔造胡笳聲一彈一十有八拍胡人落淚沾邊  
草漢使斷腸對歸客古戍蒼蒼烽火寒大荒陰沈飛  
雪白先拂商絃後角羽四郊秋葉驚撼撼董夫子通  
神明深松竊聽來妖精言遲更速皆應手將往復旋  
如有情空山百鳥散還合萬里浮雲陰且明嘶酸雛  
鴈失羣夜斷絕胡兒戀母聲川爲淨其波鳥亦罷其  
鳴烏珠部落家鄉遠邏婆沙塵哀怨生幽音變調忽  
飄灑長風吹林雨墮瓦迸泉颯颯飛木末野鹿呦呦  
走堂下長安城連東掖垣鳳凰池對青瑣門高才脫  
略名與利日夕望君抱琴至



聽杜山人彈胡笳歌

戎昱

綠琴胡笳誰妙彈  
山人杜陵名庭蘭  
杜君少與山人友  
山人沒來今已久  
當時海內求知音  
音不在絃座中為我  
君手杜陵攻琴四十年  
琴聲在音不在絃  
座中為我奏此曲  
滿堂蕭瑟如窮邊  
第一第二拍淚盡  
蛾眉沒蕃客更聞出  
塞入塞聲穹廬擅  
帳難為情胡天雨雪  
四時下五月不魯  
芳草生須臾促軫  
變宮徵一聲悲兮  
一聲喜南看漢月  
雙眼明却顧胡兒  
寸心死回鶻數年  
收洛陽洛陽士女  
皆驅將豈無父母  
與兄弟聞此哀情  
皆斷腸杜陵先生  
證此道沈家祝家  
皆絕倒

如今世上雅風衰  
若箇深知此聲好  
世上愛箏不愛琴  
則明此調難知音  
今朝促軫為君奏  
不向俗流傳此心

胡笳歌送顏真卿使赴河隴

岑參

君不見胡笳聲最悲  
紫髯綠眼胡人吹  
吹之一曲猶未了  
愁殺樓蘭征戍兒  
涼秋八月蕭關道  
北風吹斷天山草  
崑崙山南月欲斜  
胡人向月吹胡笳  
胡笳怨兮將送君  
秦山遥望隴山雲  
邊城夜夜多愁夢  
向月胡笳誰喜聞



小胡笳引

桂府王推官出蜀匠雷氏金徽琴請姜宣彈

雷氏金徽琴王君寶重輕千金三峽流中將得來明  
 窻拂席幽匣開朱絃宛轉盤鳳足驟擊數聲風雨迴  
 哀笳慢指董家本姜生得之妙思忖汎徽胡雁咽蕭  
 蕭繞指輓轡圓袞袞吞恨絨情乍輕激故國關山心  
 歷歷潯潏疑是鴈鷓鴣砮騶如聞發鳴鏑流宮變徵  
 漸幽咽別鶴欲飛援欲絕秋霜滿樹葉辭風寒雛墜  
 地鳥啼血哀絃已罷春恨長恨長何恨懷我鄉我鄉  
 安在長城窟聞君虜奏心飄忽何時窄袖短貂裘

脂山下彎明月

邊上聞胡笳三首

杜牧

何處吹笳薄暮天塞垣高鳥沒狼煙遊人一聽頭堪  
 白蘇武爭禁十九年  
 海路無塵邊草新榮枯不見綠楊春白沙日暮愁雲  
 起獨感離鄉萬里人  
 胡雛吹笛上高臺寒鴈驚飛去不迴盡日春風吹不  
 散只應分付客愁來

虜策

申胡子虜策歌

并序

李賀



唐詩類苑 卷之六十六  
申胡子朔客之蒼頭也朔客李氏本亦世家子得  
祀江夏王廟當年踐履失序遂奉官北郡自稱學  
長調短調久未知名今年四月吾與對舍於長安  
崇義里遂將衣質酒命子合飲氣熟杯闌因謂吾  
曰李長吉爾徒能長調不能作五字歌詩真強迴  
筆端與陶謝詩勢相遠幾里吾對後請撰申胡子  
感策歌以五字斷句歌成左右人合譟相唱朔客  
大喜擎觴起立命花娘出幕徘徊拜客吾問所宜  
稱善平弄於是以獎辭配聲與子爲壽

顏熱感君酒含嚼蘆中聲花娘簪綬妥休睡芙蓉屏

誰截太平管列點排空星直貫開花風天上驅雲行  
今夕歲華落令人惜平生心事如波濤中坐時時驚  
朔客騎白馬劔弣懸蘭纓俊健如生猱肯拾蓬中螢

李相妓人吹感策歌

温庭筠

蠟煙如燾新蟾滿門外平沙草芽短黑頭丞相九天  
歸夜聽飛瓊吹朔管情遠氣調蘭蕙薰天香瑞彩含  
綉緼皓然纖指都揭血日暖碧簫無片雲含商咀徵  
雙幽咽軟殼踈羅共蕭瑟不盡長圓疊翠愁柳風吹  
破澄潭月鳴梭浙瀝金絲藥恨語殷勤隴頭水漢將  
營前萬里沙更深一一霜鴻起十二樓前花正繁交



唐詩類苑 卷之六十六  
枝簇蒂連壁門景陽宮女正愁絕莫被此心摧斷魂  
小童薛陽陶吹觱篥歌和浙西李大夫作

白居易

剪削乾蘆插寒竹九孔漏聲五音足近來吹者誰得  
名關摧老死李衮生衮今又老誰其嗣薛氏樂童年  
十二指點之下師授聲含嚼之間天與氣潤州城高  
霜月明吟霜思月欲發聲山頭江底何悄悄後鳥不  
喘魚龍聽翕然聲作疑管裂訕然聲盡疑刀截有時  
婉軟無筋骨有時頓挫生稜節急聲圓轉促不斷轆  
轤麟麟似珠貫緩聲度引長有條有條直直如筆描

下聲乍墜石沈重高聲忽舉雲飄蕭明旦公堂陳宴  
席主人命樂娛賓客碎絲細竹徒紛紛宮調一聲雄  
出群衆音覩縷不落道有如部伍隨將軍嗟爾陽陶  
方稚齒下手發聲已如此若教頭白吹不休但恐聲  
名壓關李

夜聞觱篥

杜甫

夜聞觱篥滄江上衰年側耳情所嚮鄰舟一聽多感  
傷塞曲三更歛悲壯積雪飛霜此夜寒孤燈急管復  
風湍君知天地干戈滿不見江湖行路難

管



樓中聞清管

韋應物

山陽遺韻在林端，橫吹驚響迴憑高。閣曲怨繞秋城，  
浙瀝危葉振蕭瑟，涼氣生始遇茲管。賞已懷故園情，

江宿聞蘆管

商船小童善吹

鄭谷

塞曲淒清楚，水濱聲聲吹出落。梅春須知風月干，  
檣下亦有胡蘆河畔人。

相里使君宅聽惠澄上人吹小管

嚴維

秦僧吹竹閉秋城，早在梨園稱主情。今夕襄陽山太  
守，坐中流淚聽商聲。

夜上受降城聞管

李益

回樂峰前沙似雪，受降城上月如霜。不知何處吹蘆  
管，一夜征人盡望鄉。

春曉太平公主小樓聞吟雙管

沈佺期

主家天上鳳樓人，傳得仙音到客新。未省落梅和插  
柳，風吹散作萬家春。

秋夜聽高調涼州

白居易

樓上金風聲漸緊，月中銀字韻初調。促張絃柱吹高  
管，一曲涼州入沈寥。



唐詩類苑 卷之六十一  
磬

泗濱得石磬

李勣

浮磬潛清深依依呈碧潄出水見貞質在懸含玉音  
對此喜還歎幾秋還到今噐古契良覲韻和諧宿心  
何爲值明鑒適得誰幽沈自茲入清廟無復泥沙侵

慈恩寺石磬歌

盧綸

靈山石磬生海西海濤平處與天齊長眉老僧同佛  
力呪使鮫人往求得珠穴沈成綠浪痕天衣拂盡蒼  
苔色星漢徘徊山有風禪翁靜扣月明中群仙下雲  
龍出水鸞鶴交飛半空裏城精木魅不可聽落葉秋

砧一時起花宮杳杳響泠泠無數沙門昏夢醒古廊  
燈下見行道踈林池邊聞誦經徒壯洪鐘秘高閣萬  
金費盡工雕鑿豈如全質挂青松數葉殘雲一片峰  
吾師寶之壽中國願同劫石無終極

范成君擊銅磬

范傳正

歷歷聞金奏微微下玉京爲祥家謀久偏識洞陰名  
澹佇人間聽鏗鏘古曲成何須百獸舞自暢九天情  
注目看無見留心記未精雲霄如可托借鶴向層城

終南精舍月中聞磬

獨狐申叔

精廬疑夜景天宇滅埃氛幽磬此時擊餘音幾處聞



去支策月中分斷絕如殘漏淒清不隔雲  
羈人方罷夢獨鴈忽迷群響盡河漢落千山

終南精舍月中聞磬

呂温

月峰禪室掩幽磬靜昏氛思入空門妙聲從覺路聞  
泠泠滿虛壑杳杳出寒雲天籟疑難辨霜鐘詎可分  
偶來遊法界便欲謝人群竟夕聽真響塵心自解紛

笙磬同音

笙磬聞何處淒鏘宛在東激揚音自徹高下曲宜同  
歷歷俱盈耳泠泠遠散空獸因繁奏舞人感至和通  
詎間洪纖韻能齊搏拊功四懸今盡美一聽辨移風

越器

李戶曹小妓天得善擊越器以成曲章

方干

越器敲來曲調成腕頭勻滑自輕清隨風搖曳有餘  
韻測水淺深多汎聲晝漏丁當相續摘寒蟬悽愴一  
時鳴莫教進上梨園去衆樂無由更擅名

雲和

雲和

白居易

非琴非瑟亦非箏撥柱推絃調未成欲散白頭千萬  
恨只消紅袖兩三聲



角

曉角

方干

畫角吹殘月寒聲發戍樓立霜嘶馬怨攢磧泣兵愁  
燕鴈鳴雲畔胡風吟草頭罷聞三會後天迥曉星流  
畫角東城  
李賀

河轉曙蕭蕭鴉飛睥睨高帆長標越甸壁冷挂吳刀  
淡菜生寒日鮒魚溪白濤水花沾抹額旗鼓夜迎潮

賦得邊城角

白居易

邊角兩三枝霜天隴上兒望鄉相並立白月一時吹  
戰馬頭皆舉征人手盡垂嗚嗚三春罷城上展旌旗

邊城聽角

李咸用

戍樓鳴畫角寒露滴金槍細引雲成陣高催鴈着行  
喚迴邊將夢吹薄曉蟾光未遂終軍志何勞思故鄉

聽角思歸

顧况

故園黃葉滿青苔夢後城頭曉角哀此夜斷腸人不  
見起行殘月影徘徊

聽鳴角

李益

繁霜一葉落庭蕪吹角當城漢月孤無限塞鴻飛不  
度秋風卷入小單于

聞角

杜牧



唐詩類苑 卷之六十一  
二四  
曉樓煙檻出雲霄景下林塘已寂寥城角爲秋悲更  
遠護霜雲破海天遙

晚泊潤州聞角

李涉

孤城吹角水茫茫風引胡笳怨思長驚起暮天沙上  
鴈海門斜去兩三行

聞角

章孝標

邊秋畫角怨金徽半夜對吹驚賊圍塞鴈遶空秋不  
下胡雲著草凍還飛關頭老馬嘶看月磧裏疲兵淚  
濕衣餘韻嫋空何處盡戍天寥落曉星稀

拍板

詠拍板

朱灣

赴節心長在從繩道可觀須知片木用莫向散材看  
空爲歌偏苦仍愁和卽難既能親掌握願得接同歡



唐詩類苑卷第六十七

明雲間張之象玄超甫纂輯

雲間黃體仁長卿甫編次

雲間王徹叔朗甫補訂

梁谿曹仁孫伯安甫校正

文部

經

經

李嶠

漢室鴻儒盛鄒堂大義明五千道德闡三百禮儀成  
青紫方拾芥黃金徒滿籬誰知懷逸辯重席冠群英



賦尚書

太宗

太宗在洛陽宮幸積翠池各賦一事帝賦尚書李百藥賦禮記魏徵賦西漢徵落句云終藉叔孫禮方知皇帝尊帝曰徵言未嘗不約我以禮

崇文時駐步東觀還停輦輟膳玩三墳暉一作燈披

五典寒心覩肉林飛魄看沈洎縱情昏主多克已明君鮮減身資累惡成名由積善既承百王末戰兢隨歲轉

賦禮記

李百藥

玉帛資王會郊丘叶聖情重廣開環堵至道軼金籟

盤薄依厚地遙裔騰太清方悅升中禮足以慰餘生

太學創置石經

馮涯

聖唐復古制德義功無替與旨悅詩書遺文分篆隸銀鈎互交映石壁靡塵翳永與乾坤期不逐日月逝儒林道益廣學者心彌銳從此理化成恩光遍遐裔贈別殷山人說易後歸幽墅

孟郊

夫子說天地若與靈龜言幽幽人不知一一予所敦秋月吐白夜涼風韻清源旁通忽已遠神感寂不喧一悟祛萬結夕懷傾朝煩旅輶無停波別馬嘶去轅



殷勤荒草士會有知己論

書

詠書

李嶠

削簡龍文見臨池鳥跡舒河圖八卦出洛範九疇初  
垂露春光滿崩雲骨氣餘請君看入木一寸乃非虛  
閑坐看書貽諸少年 白居易

雨砌長寒蕪風庭落秋果牕間有閑叟盡日看書坐  
書中見往事歷歷知福禍多取終後亡疾駟必先墮  
勸君少干名名爲錮身鑠勸君少求利利是焚身火  
我心知已久吾道無不可所以雀羅門不能寂寞我

送諸葛覺往隨州讀書

韓愈

鄴侯家多書插架三萬軸一一懸牙籤新若手未觸  
爲人強記覽過眼一再讀偉哉群聖文磊落載其腹  
行年餘五十出守數已六京邑有舊廬不容久食宿  
臺閣多官員無地寄一足我雖官在朝氣勢日局縮  
屢爲丞相言雖懇不見錄送行過滄水東望不轉目  
今子從之游學問得所欲入海觀龍魚矯翮逐黃鵠  
勉爲新詩章月寄三四幅

符讀書城南

韓愈

木之就規矩在梓匠輪輿人之能爲人由腹有詩書



詩書勤乃有不勤腹空虛欲知學之力賢愚同一初  
 由其不能學所入遂異閭兩家各生子提孩巧相如  
 少長聚嬉戲不殊同隊魚年至十二三頭角稍相疎  
 二十漸乖張清溝映汗渠三十骨骼成乃一龍一猪  
 飛黃騰踏去不能顧蟾蜍一為馬前卒鞭背生蟲蛆  
 一為公與相潭潭府中居問之何因爾學與不學歟  
 金壁雖重寶費用難貯儲學問藏之身身在則有餘  
 君子與小人不繫父母且子魚切不見公與相起身自  
 犁鋤不見三公役寒饑出無驢文章豈不貴經訓乃  
 菑畲音黃漒無根源朝滿夕已除人不通古今馬牛

而襟裾行身陷不義况望多名譽時秋積雨霽新涼  
 入郊墟燈火稍可親簡編可卷舒豈不旦夕念為爾  
 惜居諸恩義有相奪作詩勸躊躇

讀書

柳宗元

幽沈謝世事俛默窺唐虞上下觀古今起伏千萬途  
 遇欣或自笑感戚亦以吁縹帙各舒散前後互相逾  
 瘴疴擾靈府日與往昔殊臨文乍了了徹卷兀若無  
 竟夕誰與言但與竹素俱卷極更倒卧熟寐乃一蘇  
 欠伸展支體吟咏心自愉得意適其適非願為世儒  
 道盡即閉口蕭散捐囚拘巧者為我拙智者為我愚



書史足自悅安用勤與劬貴爾六尺軀勿爲名所驅  
縣齋讀書

韓愈

出宰山水縣讀書松桂林蕭條捐末事邂逅得初心  
哀狔醒俗耳清泉潔塵襟詩成有共賦酒熟無孤斟  
青竹時默釣白雲日幽尋南方本多毒北客恒懼侵  
謫譴甘自守滯留愧難任投章類編帶佇答逾兼金  
昌谷讀書示巴童

李賀

蟲響燈光薄宵寒藥氣濃君憐垂翅客辛苦尚相從  
巴童答

李賀

巨鼻宜山褐龐眉入苦吟非君唱樂府誰識怨秋深

送王正字山寺讀書

李嘉祐

欲究先儒教還過支遁居山階閑聽法竹徑獨看書  
向日荷新卷迎秋柳半疎風流有佳句不似帶經鋤

和劉七讀書

錢起

夜雨深館靜苦心黃卷前雲陰留墨沼螢影傍華編  
夢鳥富青藻通經仍妙年何愁丹穴鳳不飲玉池泉  
送獨孤馬二秀才居明月山讀書

賈島

濯志俱高潔儒科慕冉顏家辭臨水郡雨到讀書山  
棲鳥櫻花上聲鐘磔閣間寂寥牕戶外時見一舟還



唐詩類苑 卷之六十一  
五  
灋水送鄭豐之鄆縣讀書

皇甫冉

麥秋中夏涼風起送君西郊及灋水孤煙遠樹動離  
心隔岸江流若千里早年江海謝浮名此路雲山愜  
爾情上古全經皆在口秦人如見濟南生

送薛居士和州讀書

嚴維

孤雲獨鶴共悠悠萬卷經書一葉舟楚地巢城民舍  
少煙村社樹鷺湖秋蒿萊織妾晨炊黍隅地耕童夕  
放牛年少不應辭苦節諸生喜遇一封侯

山齋讀書寄時校書杜叟 錢起

日愛蘅芳下閑觀山海圖幽人自守朴窮谷也名愚

倒嶺和溪雨新泉到戶樞叢蘭齊稚子蟠木老潛夫  
憶戴差過剡遊仙慣入壺濠梁時一訪莊叟亦吾徒  
子

讀老子

白居易

言者不知知者默此語吾聞於老君若道老君是知  
者緣何自著五千文

逸老

莊子云勞我以生逸我以老息我以死也

白居易

白日下駸駸青天高皓皓人生在其中適時卽爲好  
勞我以少壯息我以衰老順之多吉壽違之或凶夭  
我初五十八息老雖非早一闢十三年所得亦不少



唐詩類苑 卷之六十七  
况加祿仕後衣食常温飽又從風疾來女嫁男婚了  
胷中一無事浩氣凝襟袍飄若雲信風樂於魚在藻  
桑榆坐已暮鐘漏行將曉皤然七十翁亦足稱壽考  
筋骸本非實一束芭蕉草眷屬偶相依一夕同棲鳥  
去何有顧戀住亦無憂惱生死尚復然其餘安足道  
是故臨老心冥然合玄造

讀莊子

白居易

莊子齊物同歸一我道同中有不同遂性逍遙雖一  
致鸞凰終校勝蛇蟲

讀莊子

白居易

去國辭家謫異方中心自恠少憂傷爲尋莊子知歸  
處認得無何是本鄉

史

詠史四首

盧照隣

季生昔未達身辱功不成髡鉗爲臺隸灌園變姓名  
幸逢滕將軍兼遇曹丘生漢祖廣招納一朝拜公卿  
百金孰云重一諾良匪輕廷議斬樊噲群公寂無聲  
處身孤且直遭時坦而平丈夫當如此唯唯何足榮

二

大漢昔云季小人道遂振玉帛委奄尹斧鑕嬰縉紳



唐詩類苑 卷之六十七  
選哉郭先生卷舒得其真雍容謝朝廷談笑獎人倫  
在晦不絕俗處亂不爲親諸侯不得友天子不得臣  
冲情甄負甌重價折角巾悠悠天下士相送洛橋津  
誰知仙舟上寂寂無四隣

三

公業負竒志交結盡才雄良田四百頃所食常不充  
一爲侍御史慷慨說何公何公何爲敗吾謀適不同  
仲穎恣殘忍廢誠良在躬死人如亂麻天子如轉蓬  
干戈及黃屋荆棘生紫宮鄭生運其謀將以清國戎  
時來命不遂脫身歸山東凜凜千載下穆然懷清風

四

昔有平陵男姓朱名阿游直髮上衝冠壯氣橫三秋  
願得斬馬劍先斷佞臣頭天子玉檻折將軍丹血流  
捐生不肯拜視死其若休歸來教鄉里童蒙遠相求  
弟子數百人散在十二州三公不敢吏五鹿何能酬  
名與日月懸義與天壤儔何必疲執戟區區在封侯  
偉哉曠達士知命固不憂

詠史

張九齡

大德始無頗中智是所是居然已不一況乃務相詭  
小道致泥難巧言因萋毀穰侯或見遲蘇生得陰揣



輕旣長沙傳重亦邊郡徙勢傾不幸然跡在胡寧爾  
滄溟所爲大江漢日來委澧水雖復清魚鼈豈游此  
賢哉有小白讐中有管氏若人不世生悠悠多如彼

詠史

王丘

高潔非養正盛名亦險艱偉哉謝安石攜妓入東山  
雲巖響金奏空水灩朱顏蘭露滋香澤松風鳴佩環  
歌聲入空盡舞影到池閑杳眇同天上繁華非代間  
卷舒混名跡縱誕無憂患何必蘇門子冥然閉清關

詠史

王昌齡

荷畚至洛陽胡馬屯北門天下裂其土豺狼滿中原

明夷方濟世歛翼黃埃昏披雲見龍顏始蒙國士恩  
位重謀亦深所舉無遺奔長策寄臨終東南未可吞  
賢知苟有時貧賤何可論唯然嵩山老而後知我言

詠史十一首

李華

日照崑崙山羽人披羽衣乘龍駕雲霧欲往心無違  
此山在西北乃是神仙國靈氣皆自然求之不可得  
何爲漢武帝精思徧群山糜費巨萬計宮車終不還  
蒼蒼茂陵樹足以戒人間

二

天生忠與義本以佐雍熙何意李司隸而當昏亂時



古墳裏城野斜徑橫秋陂況不禁樵採茅莎無子遺  
高標尚可仰精爽今何之一忤中常侍銜寃誰見知  
常觀黨錮傳撫卷不勝悲

三

文侯耽鄭衛一聽一忘餐白雪燕姬舞朱絃趙女彈  
淫聲流不返悵蕩日無端獻歲受朝時鳴鐘醮百官  
兩牀陳管磬九奏殊未闌對此唯恐卧更能整衣冠

四

蜀主相諸葛功高名亦尊驅馳千萬衆怒目瞰中原  
曹伯任公孫國亡身不存社宮久蕪沒白鴈猶飛翻

勿言君臣合可以濟黎元爲蜀諒不易如曹難復論

五

六國韓最弱末年猶畏秦鄭生爲韓計且欲疲秦人  
利物可分社原情堪滅身咸陽古城下萬頃稻苗新

六

沂水春可涉泮宮映楊葉麗色異人間珊珊搖珮環  
展禽常獨處深巷生禾黍城上飛海雲城中暗春雨  
適來鳴珮者復是誰家女泥沾珠綴履雨濕翠毛簪  
電影開蓮臉雷聲飛蕙心自言沂水曲采蘋兼采綠  
歸徑雖可尋天陰光景促憐君貞且獨願許君家宿



唐詩卷之二十一  
徒勞惜衾枕子不顧雙蛾豔質誠可重淫風如禮何  
周王惑褒姒城闕成陂陀

七

昂藏獬豸獸出自太平年亂代乃潛伏縱人爲禍愆  
常聞斷馬劍每壯朱雲賢身死名不滅寒風吹墓田  
精靈如有在幽憤滿松煙

八

漢皇修雅樂乘輿臨太學三老與五更天王親割牲  
一人調風俗萬國和且平單于驟款塞武庫欲銷兵  
文比朝盛君臣何穆清至今遺壇下如有簫韶聲

九

巢許在嵩穎陶唐不得臣九州尚洗耳一命安能親  
緜邈數千祀丘中誰隱淪朝遊公卿府夕是山林人  
蒲帛揚側陋薜蘿爲縉紳九重念入夢三事思降神  
且設庭中燎寧窺泉下鱗

十

漢時征百粵楊僕將樓船幕府功未立江湖已騷然  
島夷非敢亂政暴地仍偏得罪因懷壁防身輒控弦  
三軍求裂土萬里詎聞天魏闕心猶在旗門首已縣  
如何得良吏一爲製方圓



十一

秦滅漢帝興南山有遺老危冠揖萬乘幸得厭征討  
當君逐鹿時臣等已枯槁寧知市朝變但覺林泉好  
高卧三十年相看成四皓帝言翁甚善願見何不早  
咸稱太子仁重義亦尊道側聞驪姬事申生不自保  
暫出商山雲榻來趨灑掃東宮成羽翼楚舞傷懷抱  
後代無其人戾園滿秋草

覽史

張良璞

享年八十已歷數窮蒼生七虎門源上咆哮關內鳴  
建都用鶉宿設險因金城舜曲煙火起汾河珠翠明

海雲引天仗朔雪留邊兵作孽人怨久其亡鬼信盈  
素靈感劉季白馬從子嬰昏虐不務德百代無芳聲

讀史五首

白居易

楚懷放靈均國政亦荒淫彷徨未忍決遶澤行悲吟  
漢文疑賈生謫置湘之陰是時刑方措此去難爲心  
士生一代間誰不有浮沈良時真可惜亂世何足欽  
乃知汨羅恨未抵長沙深

二

禍患如焚絲其來無端緒馬遷下蠶室嵇康就囹圄  
抱冤志氣屈忍耻形神沮當彼戮辱時奮飛無翅羽



商山有黃綺潁川有巢許何不從之遊超然離網罟  
山林少羈鞅世路多艱阻寄謝伐檀人慎勿嗟窮處  
三  
漢日大將軍少爲乞食子秦時故列侯老作鋤瓜士  
春華何曄曄園中發桃李秋風忽蕭條堂上生荆枳  
深谷變爲岸桑田成海水勢去未須悲時來何足喜  
寄言榮枯者反復殊未已

四

含沙射人影雖病人不知巧言構人罪至死人無疑  
撥蜂殺愛子掩鼻戮寵姬弘恭陷蕭望趙高謀李斯

陰德旣必報陰禍豈虛施人事雖可罔天道終難欺  
明則有刑辟幽則有神祇苟免勿私喜鬼得而誅之

五

季子憔悴時婦見不下機買臣負薪日妻亦棄如遺  
一朝黃金多佩印衣錦歸去妻不敢視婦嫂強依依  
富貴家人重貧賤妻子欺柰何貧富間可移親愛志  
遂使中人心汲汲求富貴又令下人力各競錐刀利  
隨分歸舍來一取妻孥意

讀東方朔雜事

韓愈

巖巖王母宮下維萬仙家噫欠爲飄風濯手大雨沱



方朔乃豎子驕不加禁訶偷入雷電室鞴鞍掉狂車  
王母聞以笑衛官助呀呀不知萬萬人生身埋泥沙  
簸蕩五山踣流漂八維嗟曰吾兒可憎柰此狡獪何  
方朔聞不喜褫身絡蛟蛇瞻栢北斗柄兩手自相投  
群仙急乃言百犯庸不科向觀睥睨處事在不可赦  
欲不布露言外口實誼諱王母不得已頰頰口齋嗟  
頷頭可其奏送以紫玉珂方朔不懲創挾恩更矜誇  
詆欺劉天子正晝溺殿衙一旦不辭訣攝身凌蒼霞  
燕有黃金臺遠致望諸君嗷嗷事強怨三歲有奇勳

詠史

柳宗元

悠哉闢彊理東海漫浮雲寧知世情異嘉穀坐煇焚  
致令委金石誰顧蠢蠕群風波歛潛構遺恨意紛紜  
豈不善圖後交私非所聞爲忠不內顧晏子亦垂文

三良

柳宗元

束帶值明后顧盼流輝光一心在陳力鼎列夸四方  
款款効忠信恩義皎如霜生時亮同體死沒寧分張  
壯軀閉幽隧猛志填黃腸殉死禮所非況乃用其良  
霸基弊不振晉楚更張皇疾病命固亂魏氏言有章  
從邪陷厥父吾欲討彼狂

詠荆軻

柳宗元



燕秦不兩立太子已爲虞千金奉短計七首荆卿趨  
窮年狗所欲兵勢且見屠微言激幽憤怒目辭燕都  
朔風動易水揮爵前長驅函首致宿怨獻田開版圖  
炯然耀電光掌握罔正夫造端何其銳臨事竟趨起  
長虹吐白日倉卒反受誅按劍赫憑怒風雷助號呼  
慈父斷子首狂走無容軀夷城芟七族臺觀皆焚污  
始期憂患弭卒動灾禍樞秦皇本詐力事與桓公殊  
柰何効曹子實謂勇且愚世傳故多謬太史徵無且  
尚有綈袍贈應憐范叔寒不知天下士猶作布衣看

詠史

高適

詠史

李嶠

馬記天官設班圖地理新善談方輿疊青簡見彬彬  
方朔初聞漢荆軻昔向秦正辭堪載筆終冀作良臣

詠史

徐九臯

亡國秦韓代榮身劉項年金槌擊政後玉斗碎增前  
聖主稱三傑明離保四賢已申黃石祭方慕赤松仙

頌魯

并序

蘇拯

昔謂孔宣父絕糧於陳蔡歷國七十二不遇其一  
君咸云命不通也愚謂聖人刪詩定禮出沒行藏  
承天之意非由命焉不然論語不曰天之未喪斯



文也匡人其如予何又曰下學而上達知我者其  
天乎以斯明矣因得爲頌魯章凡十四句  
天推魯仲尼周游布典墳遊遍七十國不令遇一君  
一國如一遇單車不轉輪良田至化力爲國不爲身  
禮樂行未足遭迴厄於陳禮樂今有餘袞旒當聖人  
傷哉絕糧議千載誤云云

西施詠

王維

豔色天下重西施寧久微朝爲越溪女暮作吳宮妃  
賤日豈殊衆貴來方悟稀邀人傅脂粉不自著羅衣  
君寵益嬌態君憐無是非當時浣沙伴莫得同車歸

持謝隣家子數顰安可希

秦人謠

古之奇

微生祖龍代却思堯舜道何人仕帝庭拔殺指佞草  
奸臣弄民柄天子恣衷抱上下一相蒙馬鹿遂顛倒  
中國旣版蕩骨肉安可保人生貴壽考吾恨死不早

秦後作

曹鄴

大道不居謙八荒安苟得木中不生火高殿禍頃刻  
誰將白帝子踐我禮義域空持拔山志欲奪天地德  
軼道人不回壯士斷消息父母骨成新蟲虵自相食  
鼎亂陰陽疑戰盡鬼神力東郊龍見血九土玄黃色



唐詩類苑 卷之二十七  
聲鼓裂二景妖星動中國圓丘無日月曠野失南北  
徒流殺人血神器終不忒一馬渡空江始知賢者賊

讀李斯傳

曹 鄴

一車致三轂本圖行地速不知駕馭難舉足成顛覆  
欺暗尚不然欺明當自戮難將一人手掩得天下目  
不見三尺墳雲陽草空綠

詠司馬彪續漢志

太 宗

帝嘗作宮體詩使虞世南賡和世南曰聖作誠工  
然體非雅正上有所好下必有甚臣恐此詩一傳  
天下風靡不敢奉詔帝曰朕試卿爾世南亡後帝

讀司馬彪漢志作詩一篇述古興亡既而嘆曰鍾  
子期死伯牙不復鼓琴朕此詩何所示耶勅褚遂  
良卽世南靈坐焚之

二儀初創

一作構

象三才乃分位非惟樹司牧固亦垂

文字綿代更膺期芳圖無輟記炎漢承君道英謨纂  
神器潛龍旣可躍術一作株免奚難致前史殫妙詞後

昆沈雅思書言揚盛跡補闕興洪志川谷猶舊途郡  
國開新意梅山未覺朽穀水誰云異車服隨名表文  
物因時置鳳戟翼康衢鑿衡總柔轡清濁必能澄洪  
纖幸無棄觀儀不失序遵禮方由事政宣竹律和時



平玉條備文園彫竒彩藝門蘊深致雲飛星共流風  
揚月兼至類禋遵令典壇壝資良地五勝竟無違百  
司誠有庇粵予承暇景談叢引泉秘討論窮義府看  
覈披經笥大辨良難仰小學終先匱聞道諒知榮含  
毫孰忘愧

讀後漢逸傳二首

張謂

子陵沒已久讀史思其賢誰謂潁陽人千秋如比肩  
嘗聞漢光武曾是曠周旋名位苟無心對君猶可眠  
東過富春渚樂此佳山川夜卧松下月朝看江上煙  
釣時如有待釣罷應忘筌生事在林壑悠悠經暮年

于今七里灘遺跡尚依然高臺竟寂寞流水空潺湲

二

龐公南郡人家在襄陽里何處偏來往襄陽東陂是  
誓將業田種終得保妻子何言二千石乃欲勸吾仕  
鸛鵲巢茂林龜鼉穴深水萬物從所欲吾心亦如此  
不見鹿門山朝朝白雲起采藥復采樵優游終暮齒

詠漢祖

王珪

漢祖起豐沛乘運以躍鱗手奮三尺劍西滅無道秦  
十月五星聚七年四海賓高抗威宇宙貴有天下人  
憶昔與項王契闊時未伸鴻門既薄蝕滎陽亦蒙塵



唐詩類苑 卷之六十一  
蟣虱生介冑將卒多苦辛爪牙驅信越腹心謀張陳  
赫赫西楚國化爲丘與榛

讀諸葛武侯傳書懷贈長安崔少府叔封昆

季

李 白

漢道昔云季群雄方戰爭霸圖各未立割據資豪英  
赤伏起頽運卧龍得孔明當其南陽時隴畝躬自耕  
魚水三顧合風雲四海生武侯立岷蜀壯志吞咸京  
何人先見許但有崔州平余亦草間人頗懷拯物情  
晚途值子玉華髮同衰榮託意在經濟結交爲弟兄  
無令管與鮑千載獨知名

讀漢書

白居易

禾黍與稂莠雨來同日滋桃李與荆棘霜降同夜萎  
草木旣區別榮枯那等夷茫茫天地意無乃大無私  
小人與君子用置各有宜柰何西漢末忠邪並信之  
不然盡信忠早絕邪臣窺不然盡信邪早使忠臣知  
優游兩不斷盛業日已衰痛矣蕭京輩終令陷禍機  
每讀元成紀憤憤令人悲寄言爲國者不得學天時  
寄言爲臣者可以鑒於斯

詠淮陰侯

王 珪

秦王日凶慝豪傑爭共亡信亦胡爲者劔歌從項梁



項羽不能用脫身歸漢王道契君臣合時來名位彰  
北討燕承命東驅楚絕糧斬龍堰濉水擒豹潛夏陽  
功成享天祿建旗還南昌金千答漂母錢百酬下鄉  
吉凶成糾纏倚伏難預詳弓藏狡兔盡慷慨念心傷  
採藥不得根尋河不得源此時虛白首徒感武皇恩  
桑田未聞改日月曾幾昏仙骨若求得壘頭無新墳  
不見杜陵草至今空自繁

覽張騫傳

邵 謁

李陵詠

王 維

漢家李將軍三代將門子結髮有奇策少年成壯士

長驅塞上兒深入單于壘旌旗列相向簫鼓悲何已  
日暮沙漠陞戰聲煙塵裏將令驕虜滅豈獨名王侍  
既失大軍援遂嬰穹廬耻少小蒙漢恩何堪坐思此  
深衷欲有報捐軀未能死引領望子卿非君誰相理

詠漢高祖

于季子

百戰方夷項三章且代秦功歸蕭相國氣盡戚夫人  
詠項羽

于季子

北伐雖全趙東歸不王秦空歌拔山力羞作渡江人

賦西漢

魏 徵

受降臨軹道爭長趨鴻門驅傳渭橋上觀兵細柳屯



夜宴經栢谷朝遊出杜原終藉叔孫禮方知皇帝尊  
讀前漢外戚傳 李 嶷

人錄尚書事家臨御路傍鑿池通渭水避暑借明光  
印綬妻封邑軒車子拜郎寵因宮掖裏勢極必先亡  
詠馮昭儀當熊 賈 至

白羽插彫弓蜺旌動朔風平明出金屋扈輦上林中  
逐獸長廊靜呼鷹御苑空王孫莫諫獵賤妾解當熊

鄂杜馬上念漢書

一云五陵懷古

李商隱

世上蒼龍種人間武帝孫小來唯射獵興罷得乾坤  
渭水天開苑咸陽地獻原英靈殊未已丁傳漸華軒

讀始興公傳

張 祐

歿世議方存昇平道幾論詩情光日月筆力動乾坤  
亂首光雄算朝綱在典墳明時封禪績山下見丘門

讀狄梁公傳

張 祐

失運廬陵厄乘時武后尊五丁扶造化一柱正乾坤  
上保儲皇位深然國老勲聖朝雖百代長合問王孫

賦戚夫人楚舞歌

李 昂

定陶城中是妾家妾年二八顏如花閨中歌舞未終  
曲天下死人如亂麻漢王此地因征戰未出簾櫳人  
已薦風花菡萏落轅門雲雨徘徊入行殿日夕悠悠



唐詩類苑 卷之六十一  
非舊鄉飄飄處處逐君王閨門向裏通歸夢銀燭迎  
來在戰場相從顧恩不顧已何異浮萍寄深水逐戰  
曾迷隻輪下隨君幾陷重圍裏此時平楚復平齊咸  
陽宮闕到關西珠簾夕殿聞鐘磬白日秋天憶鼓鼙  
君王縱恣翻成誤呂后由來有深妬柰君王容蟬鬢  
衰相思相顧能幾時黃泉白骨不可報雀釵翠羽從  
此辭君楚歌兮妾楚舞脉脉相看兩心苦曲未終兮  
袂更揚君流涕兮妾斷腸已見儲君歸惠帝徒留愛  
子付周昌

祖龍行

韋楚老

黑雲兵氣射天烈壯士朝眠夢寃結祖龍一夜死沙  
丘胡亥空隨鮑魚轍腐肉偷生三千里僞書先賜扶  
蘇死墓接驪山土未乾瑞光已向芒碭起陳勝城中  
鼓三下秦家天地如崩瓦龍蛇掩亂入咸陽少帝空  
隨漢家馬

李夫人

李賀

紫皇宮殿重重開夫人飛入瓊瑤臺綠香繡帳何時  
歇青雲無光宮水咽翩聯桂花墜秋月孤鸞驚啼商  
絲發紅壁闌珊懸珮璫歌臺小妓遙相望玉蟾滴水  
鷄人唱露華蘭葉參差光



公莫舞歌

并序

李賀

公莫舞歌者詠項伯翼蔽劉沛公也會中壯士灼灼於人故無復書且南北樂府率有歌引賀陋諸家今重作公莫舞歌云

方花古礎排九楹刺豹淋血盛銀鬕華筵鼓吹無桐竹長刀直立割鳴箏橫眉麤錦生紅緯日炙錦媽王未醉腰下三看寶玦光項莊掉箭欄前起材官小臣公莫舞座上真人赤龍子芒碭雲瑞抱天迴咸陽王氣清如水鍊樞鍊捷重束關大旗五丈撞雙環漢王今日頒秦印絕臙剗腸臣不論

玉樹曲

陳宮內宴明朝日玉樹新粧逞嬌逸三閣霞明天上開靈鬘振搯神仙出天花數孕風吹綻對舞輕盈瑞香散金管紅絃旖旎隨霓旌玉佩參差轉壁月夜滿樓風輕蓮舌冷冷詞調新當行押客盡居祿直諫犯顏無一人歌舞未終樂未闋晉王劔上粘腥血君臣猶在醉鄉中一面已無陳日月聖唐御宇三百祀濮上桑間宜禁止請停此曲歸正聲願將雅樂調元氣

讀勾踐傳

呂溫

丈夫可殺不可羞如何送我海西頭更須更聚報須



報二十年間死却休

讀田光傳

李遠

秦滅燕丹怨正深古來豪客盡沾襟荆卿不了真閑事辜負田光一片心

秦記

羅隱

長策東鞭極海隅龜鼉奔走鬼神趨憐君未到沙丘日肯信人間有死無

題李斯傳

韋莊

蜀魄湘魂萬古悲未悲秦相死秦時臨刑莫恨倉中鼠上蔡東門去自遲

春申君

杜牧

烈士思酬國士恩春申誰與快冤魂三千賓客總珠履欲使何人殺李園

續紀漢武

崔塗

分明三鳥下儲胥一覺鈞天夢不如爭那白頭方士到茂陵紅葉已蕭疎

書淮陰侯傳

羅隱

寒燈挑盡見遺塵試瀝椒漿合有神莫恨高皇不終始滅秦謀項是何人

董仲舒

羅隱



唐詩類苑 卷之六十一  
三十一  
災變儒生不合聞，謾將刀筆指乾坤。偶然畱得陰陽術，閉却南門又北門。

東晉二首

崔塗

五陵豪俠笑爲儒，將爲儒生只讀書。看取不成投筆後，謝安功業復何如。

秦國金陵王氣全，一龍正道始東遷。興亡竟不關人事，虛倚長淮五百年。

綠珠詠

李昌符

洛陽佳麗與芳華，金谷園中見百花。誰遣當年墜樓死，無人巧笑破孫家。

奉陵宮人

杜牧

相如死後無詞客，延壽亡來絕畫工。玉顏不是黃金少，淚滴秋山入壽宮。

王昭君

李商隱

毛延壽畫欲通神，忍爲黃金不爲人。馬上琵琶行萬里，漢宮長有隔生春。

舊將軍

李商隱

雲臺高議正紛紛，誰定當時蕩寇勳。日暮灞陵原上獵，李將軍是舊將軍。

曼倩辭

李商隱



唐言類考卷之二十一  
十八年來墮世間瑤池歸夢碧桃閑如何漢殿穿鍼  
夜又向牕中覩阿環

李衛公

李商隱

絳紗弟子音塵絕鸞鏡佳人舊會稀今日致身歌舞  
地木絲花暖鷓鴣飛

韋蟾

李商隱

謝家離別正淒涼少傅臨岐賭佩囊却憶短亭迴首  
處夜來煙雨滿池塘

韋公子

羅隱

擊筋狂歌慘別顏百年人事夢魂間李將軍自嘉聲

在不得封侯亦是閑

王夷甫

羅隱

把得閑書坐水濱讀來前事亦酸辛莫言塵尾清譚  
柄壞却淳風是此人

三閭大夫

劉威

三閭一去湘山老煙水悠悠痛古今青史已書殷鑒  
在詞人勞詠楚江深竹移低影潛貞節丹入中流洗  
恨心再引離騷見微旨肯教漁父會昇沈

讀漢史

李山甫

四百年間反覆尋漢家興替好沾襟每逢奸詐須按



唐詩卷之六十一  
手真遇英雄始醒心王莽弄來曾半破曹公將去便  
平沈當時虛受君恩者謾向青編作鬼林

讀留侯傳

崔塗

覆楚讐韓勢有餘  
男兒遭遇更難如  
偶成漢室千年業  
只讀圯橋一卷書  
翻把壯心輕尺組  
却煩商皓正皇儲  
若能終始匡天子  
何必

鴻門醜

王穀

寰海沸兮爭戰苦  
風雲愁兮會龍虎  
四百年漢欲開基  
項莊一劍何虛舞  
殊不知人心去暴  
秦天意歸明主  
項王足底踏漢土  
席上相看渾未悟

讀五侯傳

秦韜玉

漢亡金鏡道將衰  
便有奸臣競佐時  
專國祇誇兄弟貴  
舉家誰念子孫危  
後宮得寵人爭附  
前殿陳誠帝不疑  
朱紫盈門自稱貴  
可嗟區宇盡瘡痍

尉遲將軍

劉威

天仗擁門希授鉞  
重臣入夢豈安金  
江河定後威風在  
社稷危來寄託深  
扶病暫將弓試力  
感恩重與劍論心  
明妃若遇英雄世  
青塚何由怨陸沈

富平少侯

李商隱

七國三邊未到憂  
十三身襲富平侯  
不收金彈拋林



外却惜銀牀在井頭綵樹轉燈珠錯落繡檀迴枕玉  
雕鏤當關不報侵晨客新得佳人字莫愁

詠史

僧皎然

田氏門下客馮公衆中賤一朝市義還百代名獨擅  
始知下客不可輕能使二人功業成借問高車與珠  
履何如疵賤一書生

讀史

劉駕

平地見天涯登高天更遠功名及所望岐路又滿眼  
萬金買園林千金修池館他人厭遊覽身獨戀軒冕  
唯有漢二疎應覺還家晚

詠史二首

劉禹錫

驃騎非無勢少卿終不去世道劇頽波我心如砥柱  
二

賈生明王道衛綰工車戲同遇漢文時何人居貴位

詠史

李商隱

北湖南埭水漫漫一片降旗百尺竿三百年間同曉  
夢鍾山何處有龍盤

賈生

李商隱

宣室求賢訪逐臣賈生才調更無倫可憐夜半虛前  
席不問蒼生問鬼神



司馬長卿

黃滔

一自梁園失意回無人知有揆天才漢宮不鎖陳皇  
后誰肯量金買賦來

閑居覽史

馬一戴

長策曾中不復論荷衣藍縷閉柴門當時漢祖無三  
傑爭得咸陽與子孫

詠史

白居易

秦磨利刀斬李斯齊燒沸鼎烹酈其可憐黃綺入商  
洛閑卧白雲歌紫芝彼為菹醢机上盡此作鸞凰天  
外飛去者逍遙來者死乃知禍福非天為

覽晉史

張翰思吳中  
鱸膾尊羹

羅隱

齊王僚屬好男兒偶覓東歸便得歸滿目路岐拋似  
夢一船風雨去如飛盤擎紫線蓴初熟筋撥紅絲膾  
正肥惆悵中途無限事與君千載兩亡機

詠史

羅隱

蠹簡遺編試一尋寂寥前事似如今徐陵筆硯珊瑚  
架趙勝賓朋玳瑁簪未必片言資國計只應邪說動  
人心九原郝泚何由起虛誤西蕃八尺金

詠史

李商隱

歷覽前賢國與家成由勤儉破由奢何須琥珀方為



枕豈得真珠始是車運去不逢青海馬力窮難拔蜀  
山蛇幾人曾預南薰曲終古蒼梧哭翠華

六歎

李涉

漢臣一没丁零塞牧羊西過陰沙外朝憑南鴈信難  
回夜望北辰心獨在漢家茅土橫九州高門長戟分  
王侯但將鐘鼓悅私愛肯以犬羊爲國羞夜霜寒雲  
卧冰雪嚴風獨刃垂旌節丁年奉使白頭歸泣盡李  
陵衣上血

偶題

杜牧

甘羅昔作秦丞相子政曾爲漢輦郎千載更逢王侍

讀當時還道有文章

詠古二首有所寄

劉禹錫

車音想轉轉不見棊下塵可憐平陽第歌舞嬌青春  
金屋容色在文園詞賦新一朝復得幸應知失意人

二

寂寥照鏡臺遺基古南方真人昔來遊翠鳳相隨翔  
目成在桑野志遂貯椒房豈無三千女初心不可忘

詠史詩一百首

胡曾

烏江

爭帝圖王勢已傾八千兵散楚歌聲烏江不是無船



唐詩卷之六十一  
渡耻向東吳再起兵

章華臺

茫茫衰草沒章華因笑靈王昔好奢臺土未乾簫管  
絕可憐身死野人家

細腰宮

楚王辛苦戰無功國破城荒霸業空唯有春花青上  
露至今猶泣細腰宮

沙苑

馮翊南邊宿霧開行人一步一徘徊誰知此地彫殘  
柳盡是高歡敗後栽

石城

古郢雲開白雪樓漢江還遶石城流何人知道寥天  
月曾向朱門送莫愁

荆山

抱玉巖前桂葉稠碧溪寒水至今流空山落日猿聲  
叫疑是荆人哭未休

陽臺

楚國城池颯已空陽臺雲雨去無縱何人更有襄王  
夢寂寂巫山十二重

居延



唐言類考 卷之六十一  
漠漠平沙際碧天問人云此是居延停驂一顧猶魂  
斷蘇武爭禁十九年

沛宮

漢高辛苦事干戈帝業興隆俊傑多猶恨四方無壯  
士還鄉悲唱大風歌

金谷園

一自佳人墜玉樓繁華東逐洛波流唯餘金谷園中  
樹殘日蟬聲送客愁

湘川

虞舜南捐萬乘君靈妃揮涕竹成紋不知精魄遊何

處落日瀟湘空白雲

夷門

六龍冉冉驟朝昏魏國賢才杳不存唯有侯嬴在時  
月夜來空自照夷門

黃金臺

北乘羸馬到燕然此地何人復禮賢欲問昭王無處  
所黃金臺上草連天

夷陵

夷陵城闕倚朝雲戰敗秦師縱火焚何事三千珠履  
客不能西禦武安君



漢江

漢江一帶碧流長兩岸春風起綠楊借問膠船何處  
沒欲倚蘭棹祀昭王

蒼梧

有虞龍駕不西還空委簫韶洞壑間無計得知陵寢  
處愁雲長滿九疑山

陳宮

陳國機權未有涯如何後主恣驕奢不知卽入宮中  
井猶自聽吹玉樹花

南陽

世亂英雄百戰餘孔明方此樂耕鋤蜀王不自垂三  
顧爭得先生出舊廬

卽墨

卽墨門開縱火牛燕師營裡血波流固存不得田單  
術齊國尋成一土丘

渭濱

岸草青青渭水流子牙曾此獨垂鈎當時未入非熊  
兆幾向斜陽嘆白頭

五湖

東上高山望五湖雪濤煙浪起天隅不知范蠡乘舟



後更有功臣繼踵無

易水

一旦秦皇馬角生燕丹歸此送荆卿行人欲識無窮  
恨聽取東流易水聲

長平

長平瓦震武安初趙卒俄成戲鼎魚四十萬人俱下  
世元戎何用讀兵書

西園

月滿西園夜未央金風不動鄴天涼高情公子多秋  
興更領詩人入醉鄉

長沙

江上南風起白蘋長沙城郭異咸秦故鄉猶自嫌卑  
濕何況當時賦鵬人

圯橋

妙算張良獨有餘少年逃難下邳初逡巡不進泥中  
履爭得先生一卷書

銅雀臺

魏武龍輿逐逝波高臺空接望陵歌遏雲聲絕悲風  
起翻向樽前泣翠娥

東晉



石頭城下浪崔巍風起聲疑出地雷何事符堅太相  
小欲投鞭策過江來

吳江

子胥今日委東流吳國明朝亦古丘大笑夫差諸將  
相更無人解守蘇州

函谷關

寂寂函關鎖未開田文車馬入秦來朱門不養三千  
客誰爲鷄鳴得放回

武關

戰國相持竟不休武關纔掩楚王憂出門若取靈均

語豈作咸陽一死囚

垓下

投山力盡霸圖墮倚劍空歌不逝騅明月滿宮天似  
水那堪回首別虞姬

郴縣

義帝高遷路入郴國亡身死亂山深不知埋恨窮泉  
後幾度西陵片月沈

東海

東巡玉輦委泉臺徐福樓船向未回自是祖龍先下  
世不關無路到蓬萊



故宜城

武安南伐勒秦兵疏鑿功將夏禹并誰謂長渠千載  
後水流猶入故宜城

成都

杜宇曾爲蜀帝王化禽歸去舊城荒年年來叫桃花  
月似向春風訴國亡

檀溪

三月襄陽綠草齊王孫相引到檀溪的盧何處理龍  
骨流水依前遶大堤

青塚

玉貌元期漢帝招誰知西嫁怨天驕至今青塚愁雲  
起疑是佳人恨未消

李陵臺

北入單于萬里疆五千兵敗滯窮荒英雄不服蠻夷  
死更築高臺望故鄉

河梁

漢家英傑出皇都攜手河梁話入胡不是子卿全大  
節也應低首拜單于

軹道

漢祖西來秉白旄子嬰宗廟委波濤誰憐君有翻身



唐言類考 卷之六十一  
術解向秦宮殺趙高

漢宮

明妃遠嫁泣西風玉筋雙垂出漢宮何事將軍封萬  
戶却令紅粉爲和戎

豫讓橋

豫讓酬恩歲已深名高不朽到如今年年橋上行人  
過誰有當時國士心

華亭

陸機西沒洛陽城晉國春風草又青惆悵月中千歲  
鶴夜來猶爲唳華亭

東山

五馬南浮一化龍謝安入相此山空不知攜妓重來  
後幾樹鶯啼谷口風

殺子谷

舉國賢良盡淚垂扶蘇屈死樹邊時至今谷口泉鳴  
咽猶似秦人恨李斯

馬陵

陸葉蕭蕭九月天驅兵獨過馬陵前路傍古木蟲書  
處記得將軍破敵年

玉門關



唐詩卷之六十一  
西戎不敢過天山定遠功成白馬閒  
半夜帳中停燭坐唯思生入玉門關

滹沱河

光武經營業未興王郎兵革正憑陵  
須知後漢功臣力不及滹沱一片冰

黃河

博望沈埋不復旋黃河依舊水茫然  
沿流欲共牛郎語只得靈槎送上天

鳳凰臺

秦娥一別鳳凰臺東入青冥更不回  
空有玉簫千載

後遺聲時到世間來

五丈原

蜀相西驅十萬來秋風原下久徘徊  
長星不爲英雄住半夜流光落九垓

平城

漢帝西征陷虜塵一朝圍解議和親  
當時已有吹毛劍何事無人殺奉春

汴水

千里長河一旦開亡隋波浪九天來  
錦帆未落干戈起惆悵龍舟更不回



蘭臺宮

遲遲春日滿長空亡國離宮蔓草中  
宋玉不憂人事變從遊那賦大王風

金牛驛

山嶺千重擁蜀門成都別是一乾坤  
五丁不鑿金牛路秦惠何由得併吞

望思臺

太子銜冤去不回臨臯徒築望思臺  
至今漢武消魂處猶有悲風木上來

邯鄲

曉入邯鄲十里春東風吹下玉樓塵  
青蛾莫怪頻含笑記得當年失步人

箕山

寂寂箕山春復秋更無人到此溪頭  
棄瓢巖畔中宵月千古空聞屬許由

會稽山

越王兵敗已山棲豈望全生出會稽  
何事夫差無遠慮更開羅網放鯨鯢

不周山

共工爭帝力窮秋因此捐生觸不周  
遂使世間多感



客至今哀怨水東流

虞坂

悠悠虞坂路欹斜遲日和風簇  
野花未省孫陽身沒後幾多  
騏驥困鹽車

秦庭

楚國君臣草莽間吳王戈甲未東還  
包胥不動咸陽哭爭得秦兵出武關

延平津

延平津路水溶溶峭壁危岑一萬重  
昨夜七星潭底見分明神劍化爲龍

瑤池

阿母瑤池宴穆王九天仙女送瓊漿  
漫矜八駿行如電歸到人間國已亡

銅柱

一柱高標險塞垣南蠻不敢犯中原  
功成自合分茅土何事翻銜惹苒冤

關西

楊震幽魂下北邙關西蹤跡遂荒涼  
四知美譽留人世應與乾坤共久長

高陽池



唐詩類苑 卷之六十一  
古人未遇卽銜杯所貴愁腸得酒開何事山公持玉節等閑深入醉鄉來

瀘水

五月驅兵入不毛月明瀘水瘴煙高誓將雄略酬三顧豈憚征蠻七縱勞

細柳營

文帝鑾輿勞北征條侯此地整嚴兵轅門不峻將軍令今日爭知細柳營

葉縣

葉公丘墓已塵埃雲矗崇墉亦半摧借問往年龍見

日幾多風雨送將來

杜郵

自古功成禍亦侵武安寃向杜郵深五湖煙月無窮水何事遷延到陸沈

柯亭

一宿柯亭月滿天笛亡人沒事空傳中郎在世無甄別爭得名傳爾許年

葛陂

長房回別葛陂中人已登真竹化龍莫道神仙難頓學稽生自是不遭逢



博浪沙

嬴政鯨吞六合秋削平天下虜諸侯山東不是無公  
子何事張良獨報讐

隴西

乘春來到隴山西隗氏城荒碧草齊好笑王元不量  
力函關那受一丸泥

白帝城

蜀江一帶向東傾江上巍巍白帝城自古山河歸聖  
主子陽虛共漢家爭

牛渚

温嶠南歸輟棹晨燃犀牛渚照通津誰知萬丈洪流  
下更有朱衣躍馬人

朝歌

長嗟墨翟少風流急管繁絃似寇讐若解聞韶知肉  
味朝歌欲到肯回頭

谷口

一旦天真逐水流虎爭龍戰爲諸侯子真獨有煙霞  
趣谷口耕鋤到白頭

武陵溪

一溪春水徹雲根流出桃花片片新若道長生是虛



唐詩類苑 卷之六十一  
語洞中爭得有秦人

大潭

白蛇初斷路人通漢祖龍泉血刃紅不是咸陽將瓦  
解素靈那哭月明中

澠池

日照荒城芳草新相如曾此挫強秦能令百二山河  
主便作尊前擊缶人

峴山

曉日登臨感晉臣古碑零落峴山春松間殘露頻頻  
滴酷似當時墮淚人

滎陽

漢祖東征屈未伸滎陽失律紀生焚當時天下方龍  
戰誰爲將軍作誅文

長城

祖舜宗堯自太平秦皇何事苦蒼生不知禍起蕭牆  
內虛築防胡萬里城

赤壁

烈火西焚魏帝旗周郎開國虎爭時交兵不假揮長  
劍已挫英雄百萬師

田橫墓



唐詩類苑 卷之二十一 四三  
古墓崔魏約路岐歌傳薤露到今時也知不去朝黃  
屋祇爲曾烹酈食其

青門

漢皇提劍滅咸秦亡國諸侯盡是臣唯有東陵高守  
節青門甘作種瓜人

姑蘇臺

吳王恃霸棄雄才貪向姑蘇醉醪醅不覺錢塘江上  
別一宵西送越兵來

息城

息亡身入楚王家回首東風一面花感舊不言長掩

淚祇應翻恨有容華

上蔡

上蔡東門狡兔肥李斯何事忘南歸功成不解謀身  
退直待雲陽血染衣

武昌

王濬戈鋌發上流武昌鴻業土崩秋思量鐵鎖真兒  
戲誰爲吳王畫此籌

鴻溝

虎倦龍疲白刃秋兩分天下指鴻溝項王不覺英雄  
挫欲向彭門醉玉樓



褒城

恃寵嬌多得自由  
驪山舉火戲諸侯  
祗知一笑傾人國  
不覺胡塵滿玉樓

金陵

侯景長驅十萬人  
可憐梁武坐蒙塵  
生前不得空王力  
徒向金田自捨身

洛陽

石勒童年有戰機  
洛陽長嘯倚門時  
晉朝不是王夷甫  
大智何由得預知

番禺

重岡復嶺勢崔巍  
一卒當關萬卒回  
不是大夫多辨說  
尉陀爭肯築朝臺

汨羅

襄王不用直臣籌  
放逐南來澤國秋  
自向波間葬魚腹  
楚人徒倚濟川舟

彭澤

英傑那堪屈下僚  
便栽門柳事蕭條  
鳳凰不共鷄爭食  
莫怪先生嬾折腰



唐詩類苑卷第六十七終

唐詩類苑卷第六十八

明雲間張之象玄超甫纂輯

雲間黃體仁長卿甫編次

雲間王徹叔朗甫補訂

梁谿曹仁孫伯安甫校正

文部

詠史一百四十六首

周曇

吟敘

歷代興亡億萬心聖人觀古貴知今古今成敗無多  
事月殿花臺幸一吟



閑吟

考撫妍媸用破心剪裁千古獻當今閑吟不是閑吟  
事事有閑思閑要吟

唐堯

秋氛不起瑞煙輕端拱垂衣日月明何事四方無外  
役茅茨深處土堦平

虞舜

進善懲奸立帝功功成揖讓益溫恭滿朝卿士多元  
凱為黜堯苗與四兇

舜妃

蒼梧一望隔重雲帝子悲尋不記春何事淚痕偏在  
竹真姿應念節高人

再吟

瀟湘何代泣幽魂骨化重泉志尚存若道地中休下  
淚不應新竹有啼痕

夏禹

堯違天孽賴詢謨頓免洪波浸碧虛海內生靈微伯  
禹盡應隨浪化為魚

再吟

萬古龍門一旦開無成甘死作黃能司空定有匡堯



術九載之前何處來

太康

師保何人爲琢磨要知父祖苦辛多酒醕禽色方爲樂詎肯閑聽五子歌

后稷

人惟邦本本由農曠古誰高后稷功百穀且繁三曜在牲牢郊祀信無窮

文王

昭然明德報天休禴祭惟馨勝殺牛二老五侯何所詐不歸商受盡歸周

武王

文王寢膳武王隨內豎言安色始怡七載豈堪囚羸里一夫爲報亦何疑

成王

成王有過伯禽知聖惠能新日自竒王道旣成何所感越裳呈瑞鳳來儀

幽王

狼煙構大爲邊塵烽燧那宜悅婦人厚德未聞聞厚色不亡家國幸亡身

平王



唐詩類苑 卷之六十八  
犬戎西集殺幽王邦土何由不便亡宜曰東來年更  
遠川流難絕信源長

太公

昌獵關西紂獵東紂憐崇虎棄非熊危邦自謂多麟  
鳳肯把王綱取釣翁

再吟

東隣不事事西隣御物卑和物自親天下言知天下  
者兆人無主屬賢人

周公

文武傳芳百代基幾多賢哲守成規仍聞吐握延儒

素猶恐民疵未盡知

夷齊

讓國由哀義亦乖  
知天命匹夫才將除暴虐誠能  
阻何異崎嶇叩馬來

管蔡

伊商胡越尚同圖管蔡如何有異謨不念祖宗危社  
稷強于仁聖遣行誅

又吟

千妖萬態逞妍姿破國亡家更是誰匡政必能除苟  
媚去邪當斷勿狐疑



子牙妻

陵栢無心竹變秋不能同戚擬同休歲寒焉在空垂  
涕覆水如何欲再收

祭足

吳魯燕韓豈別宗曾無外禦但相攻當時周鄭誰爲  
相交質將何服遠戎

再吟

周室衰微不共匡干戈終日互爭彊諸侯若解尊天  
子列國何因次第亡

隱公

今古難隄是小人苟希榮寵任相親陳謀不信懷憂  
懼反間須防却害身

莊公

齊甲強臨力有餘魯莊爲戰念區區魚麗三鼓微曹  
劇肉食安能暇遠謨

哀公

賢爲隣用國憂危妙算無非委豔竒兩葉翠娥春乍  
展一毛須去不難吹

再吟

好龍天爲降真龍及見真龍瘁厥躬接下不勤徒好



唐言類考卷之六十一  
士葉公何異魯哀公

平公

鴻鵠輕騰萬里高何殊朝野得賢豪能知翼戴穿蒼  
力不是蒙茸腹背毛

文公

滅虢吞虞未息兵柔秦敗楚霸威成文公徒欲三強  
服分晉元來是六卿

景公

覺病當宜早問師病深難療恨難追晉侯徒有秦醫  
緩疾在膏盲救已遲

衛靈公

子魚無隱欲源清死不忘忠感衛靈伯玉既親知德  
潤殘桃休喫悟蘭馨

陳靈公

誰與陳君嫁禍來孔寧行父夏姬媒靈公徒認徵舒  
面至死何曾識禍胎

陳蔡君

楚騁宣尼欲道光是時陳蔡畏隣強庸謀但解遮賢  
路不解迎賢謀自昌

楚惠王



唐言類苑 卷之六十八  
六  
芹中遇蛭強爲吞不欲緣微有害人何事免成心腹  
疾皇天惟德是相親

楚懷王

不聽陳軫信張儀六里商於果見欺既捨黔中西換  
得又今生去益堪悲

再吟

不得商於又失齊楚懷方寸一何迷明知秦是虎狼  
國更忍車輪獨向西

韓惠王

韓惠開渠止暴秦營千萬頃飽秦人何殊般肉供

獸獸壯安知不害身

傾襄王

秦陷荆王死不還祗緣偏聽子蘭言傾襄還信子蘭  
語忍使江魚葬屈原

武公

猛獸來兵祗爲文豈宜涼德擬圖尊君看豹彩蒙麋  
質人取無難必不存

華元

未知軍法忌偏頗徒解孟顛腹漫皤昔日羊斟曾不  
預今朝爲政事如何



臧孫

諸子孟憎吾似藥  
臧賢臧哭孟倍傷情  
季孫愛我如甘  
疾疾美亡身藥故寧

公叔

吳起南奔魏國荒必聽  
公叔失賢良無謀縱欲離安  
邑可免河瀉徙大梁

莊辛

莊辛正諫謂妖詞  
兵及鄢陵始悔思見兔必能知  
顧犬亡羊補棧未為遲

孫臏

會嫌勝已害賢人  
鑽火明知速自聞  
斷足爾能行不足  
逢君誰肯不酬君

靈徹

失水枯鱗得再生  
翳桑無地謝深情  
朱輪未染酬恩  
血公子何由見赤誠

郭開

秦襲邯鄲歲月深  
何人沽贈郭開金  
廉頗還國李牧  
在安得趙王為爾擒

樂羊

杯羹忍啜得非忠  
巧佞胡為惑主聰  
盈篋謗書能寢



唐言類考 卷之六十八  
中山不是樂羊功

虞卿

割地求和國必危安如堅守絕來思年年來伐年年  
割割盡邯鄲何所之

豫讓

門客家臣義莫儔漆身吞炭不能休中行智伯思何  
異國士終期國士酬

毛遂

不識囊中穎浣錐功名方信有英奇平原門下三千  
客得力何曾是素知

再吟

定獲英奇不在多然須設網遍山河禽雖一目羅得  
申豈可空張一目羅

田文

下客常才不足珍誰爲狗盜脫強秦秦關若待鷄鳴  
出笑殺臨淄土偶人

再吟

門下三千各自務頻彈劍客獨無能田文不厭無能  
客三窟全身果有憑

馮讜



唐詩類苑 卷之六十八  
兔窟穿成主再興  
輩流狐伏敢驕矜  
馮謹不是無能者  
要試君心欲展能

章子

在家能子必能臣  
齊將功成以孝聞  
改葬義無欺死  
父臨戎安肯背生君

卞和

磷磷誰爲惑  
温温至寶凡  
姿甚易分  
自是時人多貴  
耳目無明鑒  
使俱焚

季札

吹毛霜刃過千金  
生許徐君死桂林  
寶劍徒稱無價

寶行心更貴  
不欺心

孫武

理國無難似理兵  
兵法令貴遵行  
行刑不避君王  
寵一笑隨刀八陣成

夫差

信聽讒言疾不除  
忠臣須殺竟何如  
會稽旣雪夫差  
死泉下胡顏見子胥

少孺

寶貴親仁與善隣  
隣兵何要互相臻  
螳螂定是遭黃  
雀黃雀須防挾彈人



蘇厲

百步穿楊箭不移養田堪教聽弘規身隆業著未知  
退勿遺功名一旦隳

鬻拳

鬻拳強諫懼威刑退省懷慙不顧生雙刖忍行留痛  
恨惟君適足見忠誠

荆軻

大刃相酬是匹夫安知突騎駕群胡有心爲報懷權  
畧可在於期與地圖

再吟

幾尺如霜利不群恩酬未報反亡身誠哉利器全由  
用可惜吹毛不得人

陳軫

丹青徒有逞誼譁有足由來不是蛇殺將破軍爲柱  
國君今官極更何加

田饒

厨拋敗肉士懷饑倉爛餘糧客未炊臨難欲行求死  
士將何恩信致扶危

鮑叔

忠臣祝壽吐嘉詞鮑叔臨軒酒一卮安不忘危臣所



願願思危困必無危

晏嬰

正人徒以刃相危貪利忘忠死不爲麋鹿命懸當有  
處軀車何必用奔馳

再吟

下澤逢蛇蓋是常還如山上見豺狼國中有怪非蛇  
獸不用賢能是不祥

又吟

馬斃廐人欲就刑百年臨盡一言生賴逢賢相能匡  
救仍免吾君播惡聲

叔向

重祿存家不敢言小臣憂禍亦如然明開諫諍能無  
罪祇此宜爲理國先

師曠

老能勸學照餘生似夜隨燈到處明往行前言如不  
見暗中無燭若爲行

智伯

三國連兵敵就擒晉陽城下碧波深風濤撼處看沈  
趙舟楫不從翻自沈

再吟



唐詩類苑 卷之六十八  
十一  
攻城來下惜先分一旦家邦屬四隣徒逞威強稱智  
伯不知權變是愚人

襄子

君子常聞不迫危城崩何用急重圍叛亡能退修文  
德果見中牟以義歸

楊回

三逐鄉閭五去君莫知何地可容身楊回不是逢英  
鑒白首無成一旅人

顏回

陋巷簞瓢困有年是時端木飢腥膻宣尼行教何形

迹不肯分甘救子淵

子貢

救魯亡吳事可傷誰令利口說田常吳亡必定由端  
木魯亦宜其運不長

再吟

一言能使定安危安已危人是所宜仁義不思垂教  
化背恩亡德豈儒爲

鄭相

鄭相清賢慎有餘好魚魚至竟何如退魚留得終身  
祿祿在何憂不得魚



子產

為政何門是化源寬仁高下保安全如嫌水德人多  
狎拯溺宜將猛濟寬

管仲

美酒濃馨客要沽門深誰敢強提壺苟非賢主詢賢  
士肯信沽人畏子獮

再吟

社鼠穿墻巧庇身何由攻灌若為燠能知窟穴依形  
勢不聽讒邪是聖君

范蠡

西子能令轉嫁吳會稽知爾啄姑蘇跡高塵外功成  
處一葉翩翩在五湖

屈原

滿朝皆醉不容醒眾濁如何擬獨清江上流人真浪  
死誰知浸潤悞深誠

黃歇

春申隨質若王圖為主輕生大丈夫女子異心安足  
聽功成何更用陰謨

王后

連環要解解非難忽碎瑤堦一旦間兩國相持兵不



解會應俱碎似連環

樊姬

側影頻移未退朝喜逢賢相曰從高當時不有樊姬  
問令尹何由進叔敖

光武

成敗非儒孰可量儒生何指指蕭王蕭王得衆能寬  
裕吳漢歸來帝業昌

明帝

朝臣咸佞孰知非張佚公忠語獨竒博士一言除太  
傅謚爲明帝信其宜

桓帝

能嫌跋扈斬梁王寧便榮枯信段張襄楷忠言誰佞  
惑忍教奸禍起蕭牆

靈帝

榜懸金價鬻官榮千萬爲公五百卿公瑾光明窮退  
者安知高卧遇英雄

廢帝

亂兵如蝟走王師社稷顛危孰爲持夜逐螢光尋道  
路漢家天子步歸時

獻帝



唐言類考 卷之六十八  
五  
祇爲曹侯數貴人普天黔首盡黃巾漢靈早聽侍中  
諫安得獻生稱不辰

再吟

咸刑科有黨偏耕夫無不事戎旃是時老幼饑號  
處一斛黃禾五百千

子密

子密封侯豈所宜能高德義必無爲當時若縛還彭  
氏率土何憂不自歸

羊續

魚懸潔白派清風祿散親賓歲自窮單席寒廳慙使

者葛衣何以至三公

楊震

爲國推賢匪惠私十金爲報遽相危無言暗室何人  
見咫尺斯須已四知

趙孝

綠林清旦正朝饑豈計行人瘦與肥爲感在原哀叫  
切鵠鴿休投聽雙飛

馬后

麤衣閑寂閱群書薦達嬪妃廣帝居再實傷根嫌貴  
寵惠慈勞悴育皇儲



魏博妻

蘿挂青松是所依  
松彫蘿更改何枝  
操刀必割腕可  
斷磐石徒堅心  
不移

曹娥

心摧目斷哭江濱  
窺浪無蹤日又昏  
不入重泉尋水  
底此生安得見沈魂

周都妻

綠水雙鴛一已沈  
皇天更欲配何禽  
不將血涕隨雲  
刃誰見朱殷未死心

鮑宣妻

君惡奢華意不歡  
一言從儉亦何難  
但能和樂同琴  
瑟未必恩情在綺紈

呂母

獄無良吏雪無由  
處處戈鋌自執仇  
呂母銜冤窮老  
婦亦能爲帥復私讐

蜀先主

豫州軍敗信途窮  
徐庶推能薦卧龍  
不是卑詞三訪  
謁誰令玄德主巴邛

再吟

一家區宇忽三分  
齷齪車書曷足論  
定有伊姜爲佐



唐詩類苑 卷之六十八  
輔忍教鴻鴈各乾坤

後主

萬峯如劒戟前來危閣橫空信險哉對此玄休長嘆  
息方知劉禪是庸才

吳後主

吳宮季主恣驕奢移盡江南百媚花一旦狂風江上  
起花隨風散落誰家

王表

王表聞聲莫見身吳中敬事甚君親是知邦國將亡  
滅不聽人臣聽鬼神

魯肅

輕財重義見英奇聖主賢臣是所依公瑾窘饑求子  
敬一言纔起數船歸

晉武帝

漢貪金帛鬻公卿財贍羸軍冀國寧晉武鬻官私室  
富是知猶不及桓靈

再吟

君人爲理在安民論道求賢德自新經國遠圖無所  
問何曾言指一何神

惠帝



唐詩卷之六十八  
蛙鳴堪笑問官私更勸饑人食肉糜蒙昧萬機猶婦  
女寇戎安得不紛披

賈后

賈后甘爲廢戮人齊王還殺趙王倫一從天下無真  
主瓜割中原四百春

懷帝

蕃漢戈矛遍九垓兩京簪紱走黃埃劉聰大會平陽  
日遣帝行觴事可哀

愍帝

耕牛喫盡大田荒二兩黃金糴斗糧御粥又聞無麩

屑不降胡虜柰鷄腸

郭欽

誰疑忠諫郭欽言不遂戎夷出塞垣晉室旣無明聖  
主果爲胡虜亂中原

王夷甫

六合誰爲輔弼臣八風昏處盡胡塵是知濟弱扶傾  
術不屬高談闊論人

王茂弘

韓魏荆楊日豈堪胡風看欲過江南中原一片生靈  
血誰秉王綱色不慙



吳隱之

聞說貪泉近鬱林隱之今日得深斟徒言滴水能穿石其那堅真匪石心

再吟

貪泉何處是泉源只在靈臺一點間必也心源元自有此泉何必在江山

前趙劉聰

戎羯誰令識善言刑將不捨遽能原垂成却罷鳳儀殿仍改逍遙納諫園

前涼張軌

官從主簿至專征誰遣涼王破趙名益信用賢由拔擢穰苴不是將家生

後魏武帝

太武南征似卷蓬徐楊充蔡殺皆空從來弔伐寧如此千里無煙血草紅

三廢帝

明莊節閹併罹殃命在朱高二悖王已歎一年三易換更嗟歐辱下東廊

苻堅

百萬南征幾馬歸叛亡如蝟亦何悲賓擒敵國諸戎



唐詩類苑 卷之六十八  
主更遣權兵過在誰

再吟

空知勇銳不知兵困獸孤軍未可輕  
安有長驅百餘萬身馳幾旅欲先征

又吟

水影星光怪異多不思修德事干戈無謀拒諫仍輕  
敵國破身擒將柰何

宋武帝

棲棲老楚未遭時憤主憑陵似迫危  
人傑既爲王謚識刁達誅斬獨何悲

二廢帝

肆意荒狂殺不辜方嗟廢帝又蒼梧  
自言威虞爲英武肯慮湘東與王夫

齊廢帝東昏侯

定策誰扶捕鼠兒不憂蕭衍畏潘妃  
長圍既合刀臨項猶惜金錢對落暉

梁武帝

梁武年高厭六龍繁華聲色盡歸空  
不求賢德追堯舜翻作憂囚一病翁

再吟



唐詩類苑 卷之六十八  
興亡何故遽環迴湯紂身爲事可哀莫是自長嫌勝  
已蔽賢猶執匹夫才

簡文帝

救兵方至強抽軍與賊開城是簡文曲項琵琶催酒  
處不圖爲樂向誰云

元帝

木柵江城困魏軍王褒橫議遏謀臣賓降未免俱爲  
戮一死安能謝益仁

謝舉

叛奴逃數豈堪留忠節曾無肯到頭朱异早能同遠

見青衫寧假帝登樓

朱异

徒覽儒書不學兵彥和虛得不廉名四郊多壘猶相  
罪國破將何謝太清

傅昭

爲政殘苛獸亦饑除饑機在養疲羸人能善政獸何  
暴焉用勞人以檻爲

宣帝

宣帝驕奢恣所爲後宮昇降略無時乘危自有妻公  
在安許鸞凰是尉遲



李集

忠諫能堅信正臣三沈三屈竟何云每沈良久方能  
語及語還呼桀紂君

隋文帝

孤兒寡婦忍同欺輔政剛教篡奪爲矯詔必能疎昉  
譯直臣誠合重顏儀

獨孤后

腹生奚強有親疎憐者爲賢棄者愚儲貳不遭讒構  
死隋亡寧便在江都

煬帝

拒諫勞兵作禍基窮奢極武向戎夷兆人疲弊不堪  
命天下嗷嗷新主資

賀若弼

破敵將軍意氣豪請除傾國斬妖嬈紅綃忍  
雪瞪目看行切玉刀

嬌春



唐詩類苑卷第六十九

明雲間張之象玄超甫纂輯

雲間黃體仁長卿甫編次

雲間王徹叔朗甫補訂

梁谿曹仁孫伯安甫校正

文部

詩

詠詩

李嶠

都尉仙鳥遠梁王駟馬來扇中紈素製機上錦紋迴  
天子三章傳陳王七步才緇衣久擅美祖德信悠哉



唐詩類苑 卷之六十九  
愛詠詩

白居易

辭章諷詠成千首心行歸依向一乘坐倚繩牀閑自  
念前生應是一詩僧

夜聽許十一誦詩愛而作 杜甫

許生五臺賓業白出石壁余亦師粲可身猶縛禪寂  
何階子方便謬引爲匹敵離索晚相逢包蒙欣有擊  
誦詩渾遊衍四座皆辟易應手看捶鈎清心聽鳴鏑  
精微穿溟滓飛動摧霹靂陶謝不枝梧風騷共推激  
紫鸞自超詣翠駮誰剪剔君意人莫知人間夜寥閒  
聽水部吳員外新詩因贈絕句

白居易

朱紱仙郎白雪歌和人雖少愛人多明朝與向詩家  
道水部如今不姓何

見人詠韓舍人新律詩因有戲贈

元稹

喜聞韓古調兼愛近詩篇玉磬聲聲徹金鈴箇箇圓  
高疎明月下細膩早春前花態繁於綺閨情軟似綿  
輕新便妓唱凝妙入僧禪欲得人人伏能教面面全  
延之苦拘檢摩詰好因緣七字排居敬千詞敵樂天

侍御八兄能爲七言絕句  
贊善白君好作百韻律詩殷勤閑太祝張君好去老



通川自謂莫漫裁章句須饒紫禁仙

見樂天詩

元稹

通州到日日平西江館無人虎印泥忽向破簷殘漏處見君詩在柱心題

見戶公亮新詩偶贈絕句 白居易

袖裏新詩十首餘吟看句句是瓊琚如何持此將干謁不及公卿一字書

見楊弘貞詩賦因題絕句以自喻

白居易

賦句詩章妙入神未年三十即無身常嗟薄命形憔悴若比弘貞是幸人

洛中寺北樓見賀監草書題詩

劉禹錫

高樓賀監昔曾登壁上筆跡龍虎騰中國書流尚皇象北朝文士重徐陵偶因特見空驚目恨不同時便伏膺唯恐塵埃轉磨滅再三珍重囑山僧

處州見鄭表新詩因以寄贈

崔峒

梅花嶺裏見新詩感激情深過楚詞平子四愁今莫比休文八詠自同時萍鄉露冕真堪惜鳳詔鳴珂已



訝遲才子風流定難見湖南春草但相思

覽陳丕卷

羅 鄴

雪宮詞客燕宮遊一軸煙花象外搜謾把蜀紋當畫  
展徒誇湘碧帶春流吟時致我寒侵骨得處疑君白  
盡頭從北南歸明月夜嶺猿灘鳥更悠悠

覽友生古風

李咸用

伯牙鳴玉琴幽音隨指發不是鍾期聽俗耳安能別  
高山閑魏峩流水空嗚咽一卷氷雪言清冷冷心骨  
分明古雅聲諷諭成淒切皴散老松根晃朗驪龍窟  
荆璞且深藏璿石方如雪金多醜女妍木朽良工拙  
奸宄欺雷霆魍魅嫌日月蝶迷桃李香鮒罔江湖闊  
不寐孤燈前舒卷忘饑渴

覽文僧卷

李咸用

雖無先聖耳異代得聞韶怪石難爲古竒花不敢妖  
調高非郢雪思靜礙箕瓢未可重吟過雲山興轉饒

覽陸龜蒙舊集

殷文珪

先生文價沸三吳白雪千編酒一壺吟去星辰筆下  
動醉來嵩華眼中無峭如謝檜虬蟠活清似緱山鳳  
路孤身後獨遺封禪草何人尋得佐鴻圖

暇日覽舊詩因以題詠

錢 起



逍遙心地得關關偶被功名浣一作我閑有壽亦將

歸象外無詩兼不戀人間何窮默識輕洪範未象期

文勝大還筐篋靜開難似此藥珠春色一作海中山

覽孟東野集 邵 謁

蚌死留夜光劍折留鋒鏃哲人歸大夜千古傳珪璋

珪璋徧四海人倫多變改題花花已無翫月月猶在

不知天地間白日幾時昧

覽蕭必先卷 韋 莊

滿軸編新句翛然大雅風名因五字得命合一言通

景盡才難盡吟終意未終似逢曹與謝煙雨思何窮

讀張籍古樂府 白居易

張君何為者業文三十春猶工樂府詩舉代少其倫

為詩意如何六義互鋪陳風雅比興外未嘗著空文

讀君學仙詩可諷放佚君讀君董公詩可誨貪暴臣

讀君商女詩可感悍婦仁讀君勤齊詩可勸薄夫敦

上可裨教化舒之濟萬民下可理情性卷之善一身

始從青衿歲迫此白髮新日夜秉筆吟心苦力亦勤

時無采詩官委棄如泥塵恐君百歲後滅没人不聞

願藏中祕書百代不湮淪願播內樂府時得聞至尊

言者志之苗行者文之根所以讀君詩亦知君為人



如何欲五十官小身賤貧病眼街西住無人行到門

讀鄧魴詩

白居易

塵架多文集偶取一卷披未及看姓名疑是陶潛詩  
看名知是君惻惻令我悲詩人多蹇厄近日誠有之  
京兆杜子美猶得一拾遺襄陽孟浩然亦聞鬢成絲  
嗟君兩不如三十在布衣擢第祿不及新婚妻未歸  
少年無疾患溘死于路岐天不與爵壽唯與好文詞  
此理勿復道巧曆不能推

讀張碧集

孟郊

天寶太白歿六義已消歇大哉國風本喪而王澤竭

先生今復生斯文信難缺下筆證興亡陳詞備風骨  
高秋數奏琴澄潭一輪月誰作採詩官忍之不揮發

讀皇甫湜公安園池詩書其後二首

韓愈

晉人目二子其猶吹一吷音血區區自其下顧肯挂牙  
舌春秋書王法不誅其人身爾雅注蟲魚定非磊落  
人湜也困公安不自閒窮年枉智思倚撫糞壤汗濺  
豈有臧誠不如兩忘但以一槩量

我有一池水蒲葦生其間蟲魚沸相嚼日夜不得閒  
我初往觀之其後益不觀觀之亂我意不如不觀完



用將濟諸人捨得業孔顏百年詎幾時君子不可閒

讀白氏文集有詩以美之 李紳

寄玉蓮花藏緘珠貝葉局院閑容客讀講倦許僧聽  
部列雕金榜題名刻石銘永添鴻寶集莫雜小乘經

讀故許昌薛尚書詩集 鄭谷

篇篇高且真真為國風陳澹薄雖師古縱橫得意新

剪裁成幾篋近世詩人述作公篇什最多唱和是誰人華嶽題無

敵黃河句絕倫華嶽黃河二詩序云此皆二吟殘荔

枝雨詠徹海棠春公有海棠荔枝二首序云杜李白

欺前輩公有寄符郎中詩云我生若陶潛仰後塵有公

論詩一章云李白終無取陶潛固不刊難忘嵩室下公有嵩山巨篇不負蜀江

濱公嘗後事蜀中著江干集屬思看山眼冥搜倚樹身楷模勞夢

想諷誦爽精神落筆空追愴曾蒙借斧斤

讀李杜詩集因題卷後 白居易

翰林江左日員外劍南時不得高官職仍逢苦亂離

暮年逋客恨浮世謫仙悲吟詠流千古聲名動四夷

文場供秀句樂府待新辭天意君須會人間要好詩

讀李白集 僧貫休

竭雲濤剝臣鰲搜括造化空 牢冥心入海海神怖

驪龍不敢為珠主人間物像不供取飽飲遊神向玄



唐言類苑 卷之六十九  
圃鏘金鏗玉千餘篇膾吞炙嚼人口傳須知一一丈  
夫氣不是綺羅兒女言

三鄉驛樓伏覩玄宗望女几山詩小臣斐然  
有感 劉禹錫

開元天子萬事足唯惜當時元景促三鄉陌上望仙  
山歸作霓裳羽衣曲仙心從此在瑤池三清入境相  
催隨天上忽乘白雲去世間空有秋風詞

讀修睦上人歌篇 李咸用

李白亡李賀死陳陶趙睦尋相次須知代不乏騷人  
貫休之後唯修睦而已矣睦公睦公直可畏開口向

人無所忌才似煙霞生則媚直如屈軼佞則指意下  
紛紛造化機筆頭滴滴文章髓明月清風三十年被  
君驅使如奴婢勸君休莫容易世俗由來稀則貴珊  
瑚高架五色毫小小不須煩藻思

讀庾信集 崔塗

四朝十帝盡風流建業長安兩醉遊唯有一篇楊柳  
曲江南江北爲君愁

讀小弟詩有感因以口號示之

呂溫

憶君未冠賞年華二十年間在咄嗟今來羨汝看花



唐言類及 卷之六十九  
歲似汝追思昨日花

讀李白集

鄭谷

何事文星與酒星一時鍾在李先生高吟大醉三千  
首畱著人間伴月明

讀韓杜集

杜牧

杜詩韓集愁來讀似倩麻姑癢處抓天外鳳凰誰得  
髓無人解合續弦膠

讀前集二首

鄭谷

殷璠鑒裁英靈集頗覺同才得契深何事後來高仲  
武品題間氣未公心

風騷如線不勝悲國步多艱卽此時愛日滿堦看古  
集祗應陶集是吾師

讀靈澈詩

白居易

東林寺裏西廊下石片鐫題數首詩言句怪來還校  
別看名知是老湯師

舟中讀元九詩

白居易

把君詩卷燈前讀詩盡燈殘天未明眼痛滅燈猶暗  
坐逆風吹浪打船聲

廣陵秋夜讀進士常修三篇因題

羅隱



厚言卷之六十一  
入蜀歸吳三首詩藏於篋笥重於師劍關夜讀相如  
聽瓜步秋吟煬帝悲景物也知翰健筆時情誰不許  
高枝明年二月春風裏江島閑人慰所思

酬從姪再看詩本 王建

眼暗沒功夫慵來剪刻磨自看花樣古稱得少年無  
張十八員外以新詩二十五首見寄郡樓月  
下吟翫通夕因題卷後封寄微之

白居易

秦城南省清秋夜江郡東樓明月時去我三千六百  
里得君二十五篇詩陽春曲調高難和淡水交情老

始知坐到天明吟未足重封轉寄與微之

酬樂天江樓夜吟稹詩因成三十韻

元稹

忽見君新句君吟我舊篇見當巴徼外吟在楚江前  
思鄙寧通律聲清遂扣玄三都時覺重一顧世稱妍  
排韻曾遙答分題幾共聯昔憑銀翰寫今賴玉音宣  
布鼓隨椎響坯泥仰匠圓鈴因風斷續珠與調牽綿  
阮籍驚長嘯商陵怨別絃猿羞啼月峽鶴讓警秋天  
志士潛興感高僧暫廢禪興飄滄海動氣合碧雲連  
點綴工微者吹噓勢特然休文徒倚檻彦伯浪迴船



唐言類考 卷之二十九  
妓樂當筵唱兒童滿巷傳改張思婦錦騰躍賈人牋  
魏拙虛教出曹風敢望痊定遭才子笑恐賺學生癩  
裁什情何厚飛書信不專隼猜鴻蓄縮虎橫犬迤邐  
水墨看雖久瓊瑤喜尚全纔從魚裏得便向市頭懸  
夜置堂東序朝鋪座右邊手尋韋欲絕淚滴紙渾穿  
甘蔗銷殘醉醞醞醒早眠深藏那遽滅同詠苦無緣  
雅羨詩能聖終嗟藥未仙五千誠遠道四十已中年  
諸葛亮云楊州萬里潯陽向  
餘五千僕今年忽已四十一  
暗魄多相夢衰容每自  
憐卒章還慟哭蚊蚋溢山川

酬樂天武關南見微之題山石榴花詩

元稹

比因酬贈爲花吐不爲君行不復知又更幾年還共  
到滿墻塵土兩篇詩

酬樂天舟泊夜讀微之詩 元稹

知君暗泊西江岸讀我閑詩欲到明今夜通州還不  
睡滿山風雨杜鵑聲

高蟾先輩以詩筆相示抒成寄酬

鄭谷

張生故國三千里知者唯應杜紫微

杜牧舍人贈張祐處士云可憐

故國三千里虛唱歌詞滿六宮

君有君恩秋後葉可能更羨謝玄暉



蟾有後宮詞云君恩秋後葉日日向人疎也

廣府胡尚書頻寄詩因答絕句

白居易

尚書清白臨南海雖飲食泉心不回唯向書中得珠玉時時寄到帝鄉來

韓冬郎即席為詩相送一座盡驚他日余方

追吟連宵侍坐徘徊久之句有老成之風

因成二絕寄酬兼呈畏之員外

李商隱

十歲裁詩走馬成冷灰殘燭動離情桐花萬里丹山

路雛鳳清於老鳳聲

劍棧風檣各苦辛別時冰雪到時春為憑何遜休聯

句瘦盡東陽姓沈人

沈東陽約嘗謂何遜曰吾每讀卿詩一日三復終未能余雖無

東陽之才而有東陽之瘦矣

酬樂天得微之詩知通州事因成四首

元稹

茅簷屋舍竹籬州虎怕偏蹄虵兩頭

通州元和二年偏蹄虎害人比

之白額兩頭虵處處皆有之也

暗蠱有時迷酒影浮塵向日似波流

沙含水弩多傷骨田仰畚刀少用牛知得共君相見

否近來魂夢轉悠悠



厚言類苑

卷之二十九

十一

平地才應 須餘閣欄都大似巢居巴人多在山坡架木為居自號

閣欄頭也

入衙官吏聲疑鳥下峽舟船腹似魚市井無錢

論尺丈田疇付火罷耘鋤此中愁殺須甘分惟惜平

生舊著書

本句云努力安心過三考已曾愁殺李尚書又予病甚將平生所為文自題云異日

送白二十

二郎也

哭烏晝飛人少見俵魂夜嘯虎行多滿身沙虱無防

處獨脚山魃不柰何甘受鬼神侵骨髓常憂岐路處

風波南歌未有東西分敢唱滄浪一字歌

本句云時時三唱濯

纓歌

荒蕪滿院不能鋤甌有塵埃圃之蔬定覺身將囚一

種未知生共死何如饑搖困尾喪家狗熱暴枯鱗失

水魚苦境萬般君莫問自憐方寸本來虛

西郊養疾聞暢校書有新什見贈久佇不至

先寄此詩

韋應物

養病愜清夏郊園敷卉木牕夕含澗涼雨餘愛筠綠

披懷始高詠對琴轉幽獨仰子遊群英吐詞如蘭馥

還聞枉嘉藻佇望昏旭唯見草青青閉門澧水曲

賈侍郎自會稽使迴篇付盈卷兼蒙寄一首

與余有挂冠之期因書數事率成十韻

劉長卿



江上逢星使南來自會稽驚年一葉落按俗五花嘶  
上國悲蕪梗中原動鼓鼙報恩看鐵劔銜命出金閨  
風物催歸緒雲峯發詠題天長百越外潮上小江西  
鳥道通閩嶺山光落剡溪暮帆千里思秋夜一猿啼  
栢樹榮新壠桃源憶故蹊若能爲休去行復草萋萋  
謝先輩防記念拙詩甚多異日偶有此寄

李商隱

曉用雲添句寒將雪命篇良辰多自感作者豈皆然  
熟寢初同鶴含嘶欲並蟬題時長不展得處定應偏  
南浦無窮樹西樓不住煙改成人寂寂寄與路綿綿

星勢寒垂地河聲曉上天夫君自有恨聊借此中傳

祇役駱口驛喜蕭侍御書至兼覩新詩吟諷

通宵因寄八韻

白居易

日暮心無慘吏役正營營忽驚芳信至復與新詩并  
是時天無雲山館有月明月下讀數遍風前吟一聲  
一吟三四嘆聲盡有餘清雅哉君子文詠性不詠情  
使我靈府中鄙恡不得生始知聽韶濩可使心和平

寄鄭谷

王貞白

五百首新詩緘封寄與誰祇憑夫子鑒不要俗人知  
火鼠重收布水蠶乍吐絲真須天上手裁作領巾披



唐言類列 卷之二十九  
宣州崔大夫閣老忽以近詩教十首見示吟  
諷之下竊有所喜因成長句寄題郡齋

白居易

謝玄暉歿吟聲寢郡閣寥寥筆硯閑無復新詩題壁  
上虛教遠岫列牕間忽驚歌雪今朝至必恐文星昨  
夜還再喜宣城章句動飛觴遙賀敬亭山

湖州崔郎中曾長寄三癖詩自言癖在詩與  
琴酒其詞逸而高今詠不足昔柳吳興亭  
臯隴首之句王融書之白團扇故爲四韻  
以謝之

劉禹錫

視事畫屏中自稱三癖翁管絃泛春渚旌旆拂晴虹  
酒對青山月瑟韻白蘋風會書團扇上知君文字工  
大理正任二十和江淹擬古詩二十章寄示

僧無可

不啻迴青眼應疑似碧雲古風真往哲雅道濫朝聞  
活獄威豪右銷時賴典墳如何經濟意未克致吾君  
蘇大侍御訪江浦賦八韻記異

并序

杜甫

蘇大侍御渙靜者也旅于江側凡是不交州府之  
客人事都絕久矣肩輿江浦忽訪老夫舟楫而已



唐詩類苑 卷之六十九  
茶酒內余請誦近時肯吟數首才力素壯詞句動  
人接對明日憶其湧思雷出書篋几杖之外殷殷  
留金石聲賦八韻記異亦記老夫傾倒於蘇至矣  
龐公不浪出蘇氏今有之再聞誦新作突過黃初詩  
乾坤幾反覆楊馬宜同時今晨清鏡中勝食齋房芝  
余髮喜却變白間生黑絲昨夜舟火滅湘娥簾外悲  
百靈未敢散風破寒江遲

兵部盧郎中借示詩集以四韻謝之

鄭谷

士子風騷尋失主吾君歌誦久無聲調和雅樂歸時

正澄慮頽波到底清才大始知寰宇窄吟高何止鬼  
神驚葉公好尚渾疎濶忽見真龍幾喪明

追和柳惲

李賀

汀洲白蘋草柳惲乘馬歸江頭櫨樹香岸上蝴蝶飛  
酒杯箸葉露玉軫蜀桐虛朱樓通水陌沙暖一雙魚  
看夢得題答李侍郎詩詩中有文星之句因  
戲和之  
白居易

看題錦繡報瓊瓌俱是人天第一才好遣文星守纏  
次亦須防有客星來

碧澗寺見元九侍御和展上人詩有三生之



句因以和

劉禹錫

廊下題詩滿壁塵塔前松樹已皴鱗古來唯有王文  
度重見平生竺道人

廣宣上人寄在蜀與韋令公唱和詩卷因以  
令公手扎答詩示之

劉禹錫

碧雲佳句久傳芳曾向城都住草堂振錫常過長者  
宅披衣猶帶令公香一時風景添詩思八部人天入  
道場若許相期同結社吾家本自有柴桑

江陵嚴司空見示與成都武相公唱和因命

同作

劉禹錫

南荆西蜀大行臺幕府旌門相對開名重三司平水  
土威雄八陣役風雷彩雲朝望青城起錦浪秋經白  
帝來不是郢中清唱發誰當丞相揆天才

喜符郎詩有天縱

孟郊

念符不由級屹得文章階白玉抽一毫綠珉已難排  
偷筆作文章乞墨潛磨指海鯨始生尾試擺蓬壺渦  
幸當禁止之勿使恣狂懷自悲無子嗟喜妬雙喈喈  
秘書省有賀監知章題詩筆力遒健風尚高

遠拂塵尋翫因此有作 温庭筠

越溪漁客賀知章任達憐才愛酒狂鷓鴣葦花隨釣



艇蛤蜊菰菜夢橫塘幾年涼月拘華省一宿秋風憶  
故鄉榮路脫身終自得福庭迴首莫相忘出籠鸞鶴  
歸遼海落筆龍蛇滿壞墻李白死來無醉客可憐神  
彩弔殘陽

喜陳懿老示新製

朱晝

一別一千日一日十二憶苦心無時  
今夕見玉色玉色復何異紅明含群德有文如星宿飛入我胸臆  
憂愁方破壞歡喜重補塞使我心貌全且非黃金力  
將攀下風手願假仙鸞翼

寫新詩寄微之偶題卷後 白居易

寫了吟看滿卷愁淺紅牋紙小銀鈎未容寄與微之  
去已被人傳到越州

歐陽示新詩因貽四韻

劉威

衝曼瑤瓊得至音數篇清越應南金都由苦思無休  
日已證前賢不到心風入寒松聲自古水歸滄海意  
皆深欲知字字驚神鬼一氣秋時試夜吟

廣陵李僕射借示近詩因投獻

羅隱

朝論國計暮論兵餘力由隨鳳藻生語繼盤盂拋俗  
格氣兼河嶽帶商聲閑尋綺思千花麗靜想高吟六



唐詩類苑 卷之六十九  
義清天柄已持堯典在更堪回首問緣情

偶以拙詩數首寄呈裴少尹侍郎蒙以盛製  
四篇一時訓和重投長句美而謝之

白居易

投君之文甚荒蕪數篇價直一束芻報我之章何璀璨  
纍纍四貫驪龍珠毛詩三百篇後得文選六十卷  
中無一麋麗龜絕報賽五鹿連柱難枝梧高興獨因  
秋日盡清吟多與好風俱銀鈎金錯兩殊重宜上屏  
風張座隅

昨以拙詩十首寄西川杜相公杜亦以新作

十首惠然報示首數雖等工拙不論重以

一章用伸答謝

白居易

詩家律手在成都權與尋常將相殊剪裁五言兼用  
鉞陶鈞六義別開爐驚人卷軸須知有隨事文章不  
道無篇數雖同光價異十魚目換十驪珠

編集拙詩成一十五卷因題卷末戲贈元九

李二十

白居易

一篇長恨有風情十首秦吟近正聲每被老元偷格  
律苦教短李伏歌行世間富貴應無分身後文章合  
有名莫怪氣麤言語大新排十五卷詩成



喜裴濤使君攜詩見訪醉中戲贈

白居易

忽聞扣戶醉吟聲不覺停杯倒屣迎  
共放詩狂同醉癖與君別是一親情

項斯始未爲聞人因以卷謁敬之苦愛之贈

詩

楊敬之

幾度見詩詩盡好及觀標格過於詩  
平生不解藏人善到處逢人說項斯

贈陸鬯浙西進詩除官

章孝標

帝城雲物得陽春水國煙花失主人  
昨日天風吹樂

府六宮絲管一時新

贈孫百篇

方干

御題百首思縱橫半日功夫舉世名  
羽翼便從吟處出珠璣續向筆頭生  
莫嫌黃紙官資小必料青雲道路平  
才子風流復年少無愁高卧不公卿

贈李郢端公

方干

非唯孤峭與世絕吟處斯須能變通  
物外搜羅歸大雅毫端剪削有餘功  
山川正氣侵靈府雪月清輝引惠風  
別得人間上昇術丹青路在五言中

贈岑郎中

戎昱



唐詩卷之六十九  
童年未解讀書時誦得郎中數首詩四海煙塵猶隔  
闕十年魂夢每相隨雖披雲霧逢迎杜已恨趨風拜  
德遲天下無人鑒詩句不尋詩伯重尋誰

偶題

杜甫

文章千古事得失寸心知作者皆殊列名聲豈浪垂  
騷人嗟不見漢道盛於斯前輩飛騰入餘波綺麗爲  
後賢兼舊制歷代各清規法自儒家有心從弱歲疲  
未懷江左逸多病鄴中竒駉驥皆良馬麒麟帶好兒  
車輪徒已斲堂構肯仍虧謾作潛夫論虛傳幼婦碑  
緣情慰漂蕩抱疾屢遷移經濟慙長策飛棲假一枝

塵沙傍蜂蠆江峽繞蛟螭蕭瑟唐虞遠聯翩楚漢危  
聖朝兼盜賊異俗更喧卑鬱鬱星辰劍蒼蒼雲雨池  
兩都開幕府萬寓插軍麾南海殘銅柱東風避月支  
音書恨烏鵲號怒怪熊羆稼穡分詩興柴荆學士宜  
故山迷白閣秋水憶黃陂不敢要佳句愁來賦別離

途次華州陪錢大夫登北樓春望因覩李崔

令狐三相公唱和之什翰林舊侶繼踵華

城山外清鸞鳳翔集皆忝宿眷遂題此詩

劉禹錫

城樓西望出風塵見盡關西渭北春百二山河雄上



國一雙旌旆委名臣壁中今日題詩處天上同時草  
詔人莫怪老郎呈濫吹官途離別舊情親

閒題

鄭谷

舉世何人肯自知須逢精鑑定妍媸若教嫫母臨明  
鏡也道不勞紅粉施

卷末偶題三首

鄭谷

一卷疎蕪一百篇名成未敢暫忘筌何如海日生殘  
夜一句能令萬古傳

七歲侍行湖外去岳陽樓上敢題詩如今寒晚無功  
業何以勝任國士知

一第由來是出身垂名俱爲國風陳此生君不知騷  
雅孤宦如何作近臣

題晰上人賈島詩卷

李洞

賈生詩卷惠休裝百葉蓮花萬里香供得半年吟不  
足長須字字頂司倉

題許渾詩卷

韋莊

江南才子許渾詩字字清新句句奇十斛明珠量不  
盡惠休虛作碧雲詞

題方干詩

羅隱

中間李建州夏汭偶同遊顧我論佳句推君最上流



九霄無鶴板雙鬢老漁舟世難方如此何當浣旅愁  
詠吟 僧貫休

經天緯地物動必計天才盡日覓不得有時還自來  
真風含素髮秋色入靈臺吟向霜蟾下終須神鬼哀  
敘吟 朱慶餘

雅道辛勤久潛疑鬢雪侵未能酬片善難更免孤吟  
有景皆牽思無愁不到心遙天一輪月幾夜見西沈  
偶吟 白居易

里巷多通水林園盡不扃松身為外戶池面是中庭  
元氏詩三帙陳家酒一瓶醉來狂發詠隣女應籬聽  
苦吟 盧延遜

莫話詩中事詩中難更無吟安一箇字撚斷數莖鬚  
險覓天應悶狂搜海亦枯不同文賦易為著者之乎  
苦吟 崔塗

朝吟復暮吟只此望知音舉世輕孤立何人念苦心  
他鄉無舊識落日羨歸禽況住寒江上漁家似故林  
閑吟 白居易

自從苦學空門法銷盡平生種種心唯有詩魔降未  
得每逢風月一閑吟  
靜吟 鄭谷

唐詩類苑 卷之六十九



唐詩類苑 卷之二十九  
騷雅荒涼我未安  
月和餘雪夜吟寒  
相門相客應相  
笑得句勝於得好官

山中獨吟

白居易

人各有一癖我癖在章句  
萬緣皆已銷此病獨未去  
每逢美風景或對好親故  
高聲詠一篇恍若與神遇  
自爲江上客半在山中住  
有時新詩成獨上東巖路  
身寄白石崖手攀青桂樹  
狂吟驚林壑猿鳥皆窺覷  
恐爲世所嗤故就無人處

江樓夜吟元九律詩成三十韻

白居易

昨夜江樓上吟君數十篇  
詞飄朱檻底韻墜淥江前  
清楚音諧律精微思入玄  
收將白雪麗奪盡碧雲妍  
寸截金爲句雙雕玉作聯  
八風淒間發五彩爛相宣  
冰扣聲聲冷珠排字字圓  
文頭交比繡筋骨軟如綿  
瀕湧同波浪錚鏦過管絃  
醴泉流出地鈞樂下從天  
神鬼聞如泣魚龍聽似禪  
星迴疑聚集月落爲畱連  
鴈感無鳴者猿愁亦悄然  
交流遷客淚停住賈人船  
闇被歌姬乞潛聞思婦傳  
斜行題粉壁短卷寫紅牋  
肉味經時忘頭風當日痊  
老張知定伏短李愛應顛  
道屈才方振身閑業始專  
大教聲烜赫理合命迍邰



厚言類考 卷之二十九  
顧我文章劣知他氣力全功夫雖共到巧拙尚相懸  
各有詩千首俱拋海一邊白頭吟處變青眼望中穿  
酬答朝妨食披尋夜廢眠老償文債負宿結字因緣  
每嘆陳夫子常嗟李謫仙名高折人爵思苦減天年  
不得當時遇空令後代憐相悲今若此湓浦與通川  
長壽寺石壁盧公一首詩渴讀卽不渴饑讀卽不饑  
鯨飲海水盡露出珊瑚枝海神知貴不知價畱向人  
間光照夜

酬盧仝

僧含曦

偷詩

孟郊

餓犬齧枯骨自喫饑饑涎今文與古文各各稱可憐  
亦如嬰兒食餽桃口旋旋唯有一點味豈見逃景延  
繩牀獨坐翁默覽有所傳終當罷文字別著逍遙篇  
從來文字淨君子不以賢

自惜

孟郊

傾盡眼中力抄詩過與人自悲風雅老恐被巴竹嗔  
零落雪文字分明鏡精神坐甘冰抱晚永謝酒懷春  
徙有言言舊慙無默默新始驚儒教誤漸與佛乘親

送竇九歸成都

杜甫

文章亦不盡竇子才縱橫非爾更持節何人符大名



讀書雲閣觀問絹錦官城我有浣花竹題詩須一行

洛中作

盧延遜

莫怪苦吟遲詩成鬢亦絲鬢絲猶可染詩病却難醫  
山暝雲橫處星沈月側時冥收不堪得一句至公知

言興

僧尚顏

矻矻被吟牽因師賈浪仙江山風月處一十二三年  
雅頌在於此浮華致那邊猶慚功未至謾道近千篇

詩解

白居易

新篇日日成不是愛聲名舊句時時改無妨悅性情  
但令長守郡不覓却歸城祇擬江湖上吟哦過一生

柏梁隔句韻詩

李建勳

不喜長亭柳枝枝擬送君惟憐北牕  
圓缺都如月東西只似雲愁看離席散歸蓋動行塵

獻為六首

杜甫

庾信文章老更成凌雲健筆意縱橫今人嗤點流傳  
賦不覺前賢畏後生

楊王盧駱當時體輕薄為文哂未休爾曹身與君俱  
滅不廢江河萬古流

縱使盧王操翰墨劣於漢魏近風騷龍文虎脊皆君  
馭歷塊過都見爾曹



唐詩類苑 卷之二十九  
才力應難跨數公凡今誰是出群雄或看翡翠蘭苕  
上永掣鯨魚碧海

不薄今人愛古人清詞麗句必爲隣竊攀屈宋宜方  
駕恐與齊梁作後塵

未及前賢更勿疑迥相祖述復先誰別裁僞體親風  
雅轉益多師是汝師

解悶五首

杜甫

沈范早知何水部曹劉不待薛郎中獨賞省署開文  
苑兼泛滄浪學釣翁

李陵蘇武是吾師孟子論文更不疑一飯未嘗留俗

客數篇今見古人詩

復憶襄陽孟浩然清詩句句盡堪傳卽今耆舊無新  
語謾釣槎頭縮項鱸

陶冶性靈存底物新詩改罷自長吟孰知二謝將能  
事頗學陰何苦用心

不見高人王右丞藍田丘壑蔓寒藤最傳秀句懷長  
滿未盡風流相國能

解悶共十二首其七首

杜甫

見人部感慨

思錄舊詩於卷上淒然有感因成一首



唐詩類苑 卷之二十九  
緝綴小詩抄卷裏尋思閑事到心頭自吟自泣無人  
會腸斷蓬山第一流

韓偓

小碎

元稹

小碎詩篇取次書等閑題柱意何如諸郎到處應相  
問畱取三行代鯉魚

和潘孟陽迴文絕句

張薦

遲遲日氣暖漫漫雪天春知君欲醉飲思見此交親  
春日雪以迴文絕句呈張薦權德輿

潘孟陽

春梅雜落雪發樹幾花開真須盡興飲仁里願同來

以離合詩贈秘書監張薦 權德輿

黃葉從風散暗嗟時節換忽見鬢邊霜勿辭林下觴  
躬行君子道辜負芳名早帳殿漢官儀巾車塞垣草  
交情劇斷金文律每招尋始知蓬山下如見古人心

和權載之離合詩

張薦

移居既同里多幸陪君子引雅重當期弓旌早見招  
植根瓊林圃直夜金閨步勸深子玉銘力競相如賦  
間闊向春闈日復想光儀格言信難繼木石強爲詞

和權載之離合詩

崔邠



脉脉羨佳期月夜吟麗詞諫垣則隨步東觀方承顧  
林雪消豔陽簡冊漏華光坐更芝蘭室千載各芬芳  
節苦文俱盛卽時仍並命翩翩紫霄中羽翮相輝映

和權載之離合詩

楊於陵

校德盡珪璋才臣時所揚放情寄文律芳茂經邦術  
王猷符發揮十載契心期晝遊有嘉話書法無隱詞  
信茲酬和美言與芝蘭比昨來恣吟繹日覺祛蒙鄙

答權載之離合詩

許孟容

史才司秘府文哲今超古亦有擅風騷六聯文墨曹  
聖賢三代意工藝千金字化識從臣謠人推仙閣吏

如登峴閬時口誦靈真詞孫蘭下威鳳系霜瓊玉枝

和權載之離合詩

馮伉

車馬退朝後聿懷在文友動詞宗伯雄重美良史功  
亦曾吟鮑謝二妙尤增價雨霜鴻淚天匝樹鳥鳴夜  
覃思客縱橫早擅希代名息心欲焚硯自醜陪群英

和權載之離合詩

潘孟陽

詠歌有離合永夜觀酬答笥中操綵牋竹簡何足編  
意深俱妙絕心契交情結計彼官接聯言初並清切  
翔集本相隨羽儀良在斯煙雲競文藻因喜玩新詩

和權載之離合詩

武少儀



少年暮時彥小晤文多變木鐸比群英八方流德聲  
雷陳美交契雨雪音塵繼恩顧各飛翔因詩覩瑰麗  
傳野絕遺賢人希有盛遷早斂風與雅日詠贈酬篇  
賦

詠賦

李嶠

布義孫卿子登高楚屈平銅臺初下筆樂觀正飛纓  
乍有凌雲勢時聞擲地聲造端長體物無復大夫名  
字

南池宴餞辛子賦得蝌斗子

岑參

臨池見蝌斗羨爾樂有餘不憂網與釣幸得免爲魚  
且願充文字登名尺素書

奉述飛白書勢

岑文本

六文開玉篆八體曜銀書飛毫列錦繡拂素起龍魚  
鳳舉崩雲絕鸞驚遊霧疎別有臨池草恩霑垂露餘

賦虞書歌

賈耽

衆書之中虞書巧體法自然歸大道不同懷素只攻  
顛豈類張芝惟劄草形勢素筋骨老父子君臣相  
揖抱孤青似竹更颼颼闊白如波長浩渺能方正  
不隳倒功夫未至難尋奧須知孔子廟堂碑便是青



唐言類苑 卷之六十九  
箱中至寶

李潮八分小篆歌

杜甫

蒼頡鳥跡既茫昧字體變化如浮雲陳蒼石鼓又已  
訛大小二篆生八分秦有李斯漢蔡邕中間作者寂  
不聞嶧山之碑野火焚棗木傳刻肥失真苦縣光和  
尚骨立書貴瘦硬方通神惜哉李蔡不復得吾甥李  
潮下筆親尚書韓擇木騎曹蔡有隣開元已來數八  
分潮也奄有二子成三人況潮小篆逼秦相快劍長  
戟森相向八分一字直百金蛟龍盤拏肉屈強吳郡  
張顛誇草書草書非古空雄壯豈知吾甥不流宕丞

相中郎丈人行巴東逢李潮逾月求我歌我今衰老  
才力薄潮乎潮乎柰汝何

石鼓歌

韓愈

張生手持石鼓文勸我試作石鼓歌少陵無人謫仙  
死才薄將柰石鼓何周綱陵遲四海沸宣王憤起揮  
天戈大開明堂受朝賀諸侯劍珮鳴相磨蒐于岐陽  
騁雄俊萬里禽獸皆遮羅鑄功勒成告萬里鑿石作  
鼓隳嵯峨從臣才藝咸第一揀選撰刻畱山河雨淋  
日炙野火燎鬼物守護煩撝呵公從何處得紙本毫  
髮盡備無差訛辭嚴義密讀難曉字體不類隸與科



年深豈免有缺畫快劍斫斷生蛟鼉鸞翔鳳翥衆仙  
下珊瑚碧樹交枝柯金繩鐵索鎖鈕壯古鼎躍水龍  
騰梭陋儒編詩不收入二雅褊迫無委蛇孔子西行  
不到秦倚撫星宿遺義娥嗟予好古生苦晚對此涕  
淚雙滂沱憶昔初蒙博士徵其年始改稱元和故人  
從軍在右輔爲我量度掘曰科濯冠沐浴告祭酒如  
此至寶存豈多擅苞席裹可立致十鼓祇載數駱駝  
薦諸太廟比郢鼎光價豈止百倍過聖恩若許畱太  
學諸生講解得切磋觀經鴻都尚填咽坐見舉國來  
奔波剗苔剔蘚露節角安置妥帖平不頗大厦深簷

與蓋覆經歷久遠期無他中朝大官老於事詎肯感  
激徒媿嬰牧童敲火牛礪角誰復著手爲摩挲日消  
月鑠就埋沒六年西顧空吟哦義之俗書趨姿媚數  
紙尚可博白鵝繼周八代爭戰罷無人收拾理則那  
方今太平日無事柄任儒術崇丘軻安能以此上論  
列願借辨口如懸河石鼓之歌止於此嗚呼吾意其  
蹉跎

石鼓歌

元稹

周宣大獵兮岐之陽刻石表功兮煒煌煌石如鼓形  
數止十風雨缺訛苔蘚濕今人濡紙脫其文旣擊旣



厚言卷之二十九  
三十一  
掃白黑分忽開滿卷不可識驚潛動螿走云云喘透  
迤相糾錯乃是宣王之臣史籀作一書遺此天地間  
精意長存世冥冥秦家祖龍還刻石碣石之杲李斯  
跡世人好古猶法傳持來比此殊懸隔

峒嶼山

韓愈

峒嶼山尖神禹碑字青石赤形模竒科斗拳身薤倒  
披鸞飄鳳泊挈虎螭事嚴跡秘鬼莫窺道人獨上偶  
見之我來咨嗟涕漣洏千搜萬索何處有森森綠樹  
猿猱悲

御題國子監門

宸翰符玄造榮題國子門筆鋒迴日月字勢動乾坤  
簷下雲光色梁間鵲影翻張英聖莫擬索靖妙徒言  
爲著盤龍跡能彰舞鳳尊更隨垂露象常以沐皇恩

酬家鷄之贈

柳宗元

日日臨池弄小雛還思寫論付官奴柳家新樣元和  
脚且盡姜芽斂手徒

重贈二首

柳宗元

聞說將雛向墨池劉家還有異同詞如今試遣隈墻  
問已道世人那得知

世上悠悠不識真姜芽盡是捧心人若道柳家無子



弟往年何事乞西賓

答前篇

柳宗元

小兒弄筆不能嗔  
浣壁書牕且賞勲  
聞彼夢熊猶未  
兆女中誰是衛夫人

答後篇

柳宗元

昔日傭工記姓名  
遠勞辛苦寫西京  
近來漸有臨池  
興爲報元常欲抗衡

疊前

柳宗元

小學新翻墨沼波  
羨君瓊樹散枝柯  
在家弄玉唯嬌  
女空覺庭前鳥跡多

疊後

柳宗元

事業無成耻藝成  
南宮起草舊連名  
勸君火急添功  
用趁取當時二妙聲

殷賢戲批書後寄劉連州并示孟崙二童

柳宗元

書成欲寄庾安西  
紙背應勞手自題  
聞道近來諸子  
弟臨池尋已厭家雞

寄詈光

陸希聲

筆下龍蛇似有神  
天地雷雨變逡巡  
寄言昔日不龜  
手應念江頭泝泝人



殿中楊監見示張旭草書圖

杜甫

斯人已云亡草聖秘難得及茲煩見示滿目增悽惻  
悲風生微綃萬里有古色鏘鏘鳴玉動落落群松直  
連山蟠其間溟漲與筆力有練實先書臨池真盡墨  
俊拔爲之主暮年思轉極未知張王後誰並百代則  
嗚呼東吳精逸氣感清識楊公拂篋筭舒卷忘寢食  
念昔揮毫端不得觀酒德

送草書獻上人歸廬山 孟郊

狂僧不爲酒狂筆自通天將書雲霞片直至清明巔

手中飛黑電象外瀉玄泉萬物隨指顧三光爲迴旋  
驟書雲霧灑洗硯山晴鮮忽怒畫虵虺噴然生風煙  
江人願停筆驚浪恐傾船

草書歌行 李白

少年上人號懷素草書天下稱獨步墨池飛出北溟  
魚筆鋒殺盡中山兔八月九月天氣涼酒徒詞客滿  
高堂牋麻素絹排數箱宣州石硯墨色光吾師醉後  
倚繩牀須臾掃盡數千張飄風驟雨驚颯颯落花飛  
雪何茫茫起來向壁不停手一行數字大如斗恍恍  
如聞神鬼驚時時只見龍蛇走左盤右蹙如驚電狀



同楚漢相攻戰湖南七郡凡幾家家屏障書題徧  
王逸少張伯英古來幾許浪得名張顛老死不足數  
我師此義不師古古來萬事貴天生何必要公孫大  
娘渾脫舞

懷素上人草書歌

王 邕

衡陽雙峽插天峻青壁巉巉萬餘仞此中靈秀衆所  
知草書獨有懷素竒懷素身長五尺四嚼湯誦呪呼  
可畏銅瓶錫杖倚閑庭班管狡毫多逸意或粉壁或  
綵牋蒲葵編素何相鮮忽作風馳及電掣更點飛花  
兼散雪寒猿飲水撼枯藤壯士伸眉按勁鐵君不見

張芝昔日稱獨賢君不見近日張旭爲老顛二公絕  
藝人所惜懷素傳之得真跡崢嶸感出海上山突兀  
狀成湖畔石一縱又一橫一歌又一傾臨江不羨飛  
帆勢下筆長爲驟雨聲我牧此州喜相識又見草書  
多惠力懷素懷素不可得開卷臨池轉相憶

懷素上人草書歌

戴叔倫

楚僧懷素工草書古法盡能新有餘神清骨竦意真  
率時來爲我揮健筆始從破體變風姿一一花開春  
景遲忽爲壯麗就枯澀龍蛇騰盤獸屹立馳豪驟墨  
劇奔駟滿坐失聲看不及心手相師勢轉竒詭形怪



狀翻令癡

一作合宜

有人若問此中妙懷素自言初不知

懷素上人草書歌

朱逵

幾年出家通宿命一朝却憶臨池聖轉腕摧鋒增崛  
 崎秋毫繭紙常相隨衡陽客舍來相訪連飲百杯神  
 轉王忽聞風裏度飛泉紙落紛紛如跼鳶形容脫畧  
 貞如助一作脫落心思周遊在何處筆下惟看激電  
 流字成只畏盤龍去怪狀崩騰若轉蓬飛絲歷亂如  
 迴風長松老死倚雲壁蹙浪相翻驚海鴻于今年少  
 尚如此歷觀遠代無倫比妙絕當能動鬼神崔蔡幽  
 魂更心死

懷素上人草書歌

魯收

吾觀開士多利用筆精墨妙誠堪重身上藝能無不

通就中草聖最天縱有時興發逞神機抽毫點

一作吃

墨縱橫揮風聲吼烈隨手起龍蛇迸落空壁飛連拂

一作掃

數行勢不絕藤懸杳蹙生竒節劃然放縱驚雲

濤或時頓挫縈毫髮自言轉腕無所拘大笑羲之用

陣圖狂來紙盡勢不盡投筆抗聲連叫呼信如鬼神

助此道墨池未盡書已好行路談君口不容滿堂觀

者空絕倒所恨時人多笑聲唯知賤實翻貴名觀爾

向來三五字顛竒何謝張先生



懷素上人草書歌

竇冀

狂僧揮翰狂且逸，獨任天機摧格律。  
龍虎慙因點畫生，雷霆却避鋒鋸疾。  
魚鱗絹素且不貴，只嫌局促兒童戲。  
粉壁長廊數十間，興來小豁胸一作襟氣長。  
幼畢集賢豪至枕槽，籍麴酒半醉忽然絕。  
叫三五聲滿壁縱橫千萬字，吳興張老爾莫顛。  
葉縣公孫我何謂，如熊如羆不足比。  
如虺如蛇不足擬，涵物爲動鬼神泣。  
狂風入林花亂起，殊形怪狀不易說。  
就中枯燥尤驚絕，邊風殺氣同慘烈。  
崩槎卧木爭摧折，塞草遙飛大漠霜。  
胡天亂下陰山雪，偏看能事轉新奇。  
郡主王大

公同賦詩枯藤勁鐵愧三舍，驟雨寒猿驚一時。  
此僧絕藝人莫測，假此常爲護持力。  
連城之壁不可量，五百年知草聖當。

懷素上人草書歌

兼送謁徐廣州

蘇渙

張顛沒來二十年，謂言草聖無人傳。  
零陵沙門繼其後，新書大字大如斗。  
興來走筆如旋風，醉後耳熱心更克。  
忽如裴旻舞雙劍，七星錯落纏蛟龍。  
又如吳生畫鬼神，魑魅魍魎驚本身。  
鉤鎖相連勢不絕，倔強毒蛇爭屈鐵。  
西河劍舞氣陵雲，孤根自振唯有君。  
今日華堂看灑落，四坐喧呼嘆佳作。  
迴首邀余賦一章，欲



唐詩類苑 卷之二十九 三  
令美價齊鍾張琅琅誦句三百字何似醉僧顛復狂  
忽然告我避南溟言祈亞相求大名亞相書翰凌獻  
之見君絕藝必深知南中紙價當日貴只恐貪泉成  
墨池

懷素上人草書歌

任華

吾常好奇古來草聖無不知豈不知右軍與獻之雖  
有壯麗之骨恨無狂逸之姿中間張長史獨放蕩而  
不羈以顛爲名傾動於當時張老顛一作老顛殊不顛  
於懷素懷素顛乃是顛人謂爾從江南來我謂爾從  
天上來負顛狂之墨妙有墨顛一作狂之逸才狂僧前

日動京華朝騎王公大人馬暮宿王公大人人家誰不  
造素屏誰不塗粉壁粉壁搖晴光素屏凝曉霜待君  
揮灑今不可彌忘駿馬迎來客坐堂金盆盛酒竹葉  
香十杯五杯不解意百杯已後始顛狂一顛一狂多  
意氣大叫數聲起攘臂揮毫倏忽千萬字有時一字  
兩字長丈二翁若長鯨撥刺動海島歛若長蛇成律  
透深草回環繚繞相拘連千變萬化在眼前下疑飄  
風驟雨相擊射速綠颯拉動簷隙擲華山巨石以爲  
點掣衡山陣雲以爲畫興不盡勢轉雄恐天低而地  
窄更有何處最可憐裊裊枯藤萬丈懸萬丈懸拂秋



水映秋天或如絲或如髮風吹欲絕又不絕鋒鋸利  
如歐冶劍勁直渾是并州鐵時復枯燥何襍礙忽覺  
陰山突兀橫翠微中有枯松錯落一萬丈倒挂絕壁  
蹙枯枝千魑魅兮萬魍魎欲出不可何閃閃又如浩  
海日暮愁陰濃忽然躍出千里龍夭矯偃蹇亂入乎  
蒼穹飛砂走石滿穹塞萬里颼颼西北風狂僧有絕  
藝非數仞高墻不足以逞其筆勢或逢花牋與絹素  
凝神執筆守恒度別多筋骨多情趣霏霏微微點長  
露三秋月照丹鳳樓二月花開上林樹終恐絆騏驥  
之足不得展千里之步狂僧狂僧爾雖有絕藝猶當

假良媒不因禮部張公將爾來如何二字一作安得聲名  
一日誼九垓

懷素上人草書歌

僧貫休

張顛顛後顛非顛直至懷素之顛始是顛師不譚經  
不坐一作禪筋骨唯於草書妙一作顛狂却恐

是神仙有神助兮神莫及鐵石畫今墨須入金樽竹  
葉數斗餘半飲半傾山袖濕醉來把筆猛如虎粉壁  
素屏不問主亂拏亂抹無規矩羅剎石上坐伍子  
胥崩通八字一作分立對漢高祖勢崩騰兮不可止天  
機暗轉鋒鋸裏閃電光邊霹靂飛古柏身中旱龍死



駭人心兮目眈眈頓人足兮神闢易乍如沙場大戰  
後斷鎗檄箭何狼籍又似深山怪石上古病松枝挂  
鐵錫月兔筆天竈墨斜鑿黃金側一作色劉玉珊瑚枝  
長大如束天馬矯獍不可勒東却西南又北倒還起  
斷復續忽如鄂公捉一作唱住單雄信秦王肩上搭著  
棗木槊懷素師若不是星辰降瑞節必是河嶽孕靈  
固宜須冷笑逸少年爭得不醉罵伯英天台古杉一  
千尺崖崩岸折何崢嶸或細微仙衣縫綻金線垂或  
妍媚桃花半紅公子醉我恐山爲墨海爲水天爲筆  
今書大地乃能畧展狂僧意長恨師不相識一見此

書空嘆息伊昔張謂任華葉季良數子贈歌豈虛識  
所不足者渾未曾道著其神力石橋被燒却良玉不  
土蝕錐畫沙兮印印泥世人世人莫得知師雄名在  
世間明月清風一何極

詈光大師草書歌

僧貫休

雪壓千峯橫枕上窮困雖多還激壯看師逸蹟兩相  
宜高適歌行李白詩海上驚驅山猛獍一作海上風驚落猛虎  
吹斷狂煙著沙草江樓曾見落星石幾回試發將軍  
砲別有寒鷗掠絕壁提上玄猿更生力又見吳牛磨  
角來舞槩盤刀初觸擊好文天子握宸翰御製本多



推玉案晨開水殿教題壁題罷紫衣親寵錫僧家愛  
詩自拘束僧家愛盡亦局促惟師草聖藝偏高一掬  
山泉心便足

張伯高草書歌

釋皎然

伯英死後生伯高朝看手把山中毫先賢草律我草  
狂風雲陣發愁鍾王須臾變態皆自我寫形類物無  
不可聞風遊雲千萬朶驚龍蹙踏飛欲墮更覩鄧林  
落葉一作花落朝狂風亂擾何飄飄有時凝然筆空握情  
在寥天獨飛鶴有時取勢氣更高憶得春江千里濤  
張生奇一作草絕再難遇草罷臨風展輕素陰慘陽舒

如有道鬼狀魑容若可懼黃公酒壚興偏入阮籍不  
嗔嵇亦顧長安酒榜醉後書此日騁君千里步

陳氏童子草書歌

釋皎然

儒家孺子有奇名天然文章令人驚僧虔老時把筆  
法孺子如今皆暗合颯飛電灑眼不及但覺毫端鳴  
颯颯有時作點險且能太行片石看欲崩偶然長掣  
濃又燥少室孤松歌不倒夏室炎炎少人歡山軒日  
色在闌干桐花飛盡子規思主人高歌興不至濁醪  
不飲嫌昏沈欲翫草書開我襟龍爪狀奇鼠鬚銳冰  
牋白哲越人惠王家小令草最狂爲予揮灑驚騰勢



蕭鄆草書歌

顧况

蕭子草書人不及洞庭葉落秋風急上林花開春露  
濕花枝濛濛向水垂疑見君數行之灑落石上之松  
松下鶴若把君書比仲將不知誰在一作凌雲閣  
文

題故元少尹集後二首

白居易

黃壤詎知我白頭徒憶君唯將老年淚一灑故人文  
二

遺文三十軸軸軸金玉聲龍門原上土埋骨不理名

寄江沿求孟六遺文

劉昫

南望襄陽路思君情轉親偏知漢水廣應與孟家隣  
在日貪為善昨來聞更貧相如有遺草一為問家人

過胡居士覩王右丞遺文

司空曙

舊日相知盡深居獨一身閉門空有雪看竹永無人  
每許前山隱曾憐陋巷貧題詩今尚在暫為拂流塵  
覽楊校書文卷

章孝標

跪伸霜素剖琅玕身墮瑤池魄暗寒紅錦晚開雲母  
殿白珠秋寫水精盤情高鶴立崑崙峭思壯鯨跳渤  
澥寬誰有軒轅古銅片為持相並照妖看

美楊侍御清文見示

錢起



伯牙道喪來絃絕無人續誰知絕唱後更有難和曲  
層峯與清流逸勢競奔感清文不出戶彷彿皆在目  
霧雪看滿懷蘭荃坐盈掬孤光碧潭月一片崑崙玉  
初見歌陽春韶光變枯木再見吟白雪便覺雲蕭蕭  
則知造化源方寸能展縮斯文不易遇清爽心豈足  
願言書諸紳可以爲佩服

酬友人見寄新文二首

孟郊

爲客棲未定況當玄月中繁雲翳碧霄落雪和清風  
郊陌絕行人原隰多飛蓬耕牛返村巷野鳥依房櫳  
我無饑凍憂身託蓮花宮安閑賴禪伯復得疏塵蒙

覽君郢曲文詞彩何冲融謳吟不能已頓覺形神空

二

白日照清水淺深無隱姿君子業高文懷抱多正思  
砥行碧山石結交青松枝碧山無轉易青松難傾移  
落落出俗韻琅琅大雅詞自非隨氏掌明月安能持  
千里不可到一返無近期如何非意中良覲忽在茲  
道語必疎淡儒風易凌遲願存堅貞節勿爲霜霰欺

攜新文詣張籍韓愈途中成

賈島

袖有新成詩欲見張韓老青竹未生翼一步萬里道



仰望青冥天雲雪壓我腦失却終南山惆悵滿懷抱  
安得西北風身願變蓬草地祇聞此語突出驚我倒  
每見呂南郎中新文輒奉長句以詠所懷

白居易

雙金百鍊少人知縱我知君徒爾爲望梅閣老無妨  
渴盡餅尚書不救饑白日迴頭看又晚青雲舉足躡  
何遲壯年可惜虛銷擲遣把閑杯吟詠詩

碑

同觀陳十六史興碑

并序

高適

楚人陳章甫繼毛詩而作史興碑遠自周末迨乎

隋季善惡不隱蓋國風之流未藏名山刊在樂石  
僕美其事而賦是詩焉

荆衡氣偏秀江漢流不歇此地多精靈有時生才傑  
伊人今獨步逸思能間發永懷掩風騷千載常砭砭  
新碑亦崔魏佳句懸日月則是刊石經終然繼檣杙  
我來觀雅製慷慨變毛髮季主盡荒淫前王徒貽厥  
東周旣削弱兩漢更淪沒西晉何披猖五胡相唐突  
作歌乃彰善比物仍惡訐感嘆將謂誰對之空咄咄  
觀李九少府翥樹宓子賤神祠碑

高適



唐詩類苑 卷之二十一  
吾友吏茲邑亦嘗懷宓公安知夢寐間忽與精靈通  
一見興永嘆再來激深衷賓從何逶迤二十四老翁  
於焉建層碑突兀長林東作者無愧色行人感遺風  
坐令高岸盡獨對秋山空片石勿謂輕斯言固難窮  
龍盤色絲外鵲顧偃波中形勝駐群目堅貞指蒼穹  
我非王仲宣去矣徒發蒙

羽林恩詔御書王太尉碑 張說

隴首名公石來承聖札歸魚龍生意態鈎劍動鉉輝  
字得神明保詞慙少女微誰家羽林將又逐鳳書飛  
送呂向補闕往西嶽勒碑 徐安貞

聖作西山頌君其出使年勒碑懸日月驅傳接雲煙  
寒盡函關路春歸洛水邊別離能幾許朝暮玉墀前  
春初送呂補闕往西嶽勒碑

孫逖

刻石記天文朝摧谷子雲篋中緘聖札巖下揖神君  
語別梅初豔爲期草欲薰往來春不盡離思莫氛氲  
送翰林張司馬南海勒碑 杜甫

冠冕通南極文章落上台詔從三殿去碑到百蠻開  
野館濃花發春帆細雨來不知滄海上天遣幾時迴  
朱放自杭州與故里相使君立碑回因以奉



簡吏部楊侍郎製文

劉長卿

片石羊公後淒涼江水濱好辭千古事墮淚萬家人  
鵬集占書久鸞回刻篆新不堪相顧恨文字日生塵

送翰林張學士嶺南勒碑

司空曙

漢恩天外洽周頌日邊稱文獨司空羨書兼太尉能  
出關逢北鴈度嶺逐南鵬使者翰林客餘春歸灞陵

讀段太尉碑

崔塗

憤激計潛成臨危豈顧生祇空持一笏便欲碎長鯨  
國已酬微烈家猶聳義聲不知清史上誰可計功名  
餞司農宋卿立太尉碑了還江東

于鵠

追立新碑日憐君苦一身遠移深澗石助立故鄉人  
草色荒墳綠松陰古殿春平生心已遂歸去得垂綸  
丁巳歲八月祠祭畢因題臨淮公舊碑

楊嗣復

齋莊修祀事旌旆出郊闡薙草軒墀狹塗墻楮聖新  
謀猷期作聖風俗奉爲神酌酒成坳澤持兵列偶人  
非才膺寵任異代揖芳塵況是平津客碑前淚滿襟

和題臨淮公舊碑

楊汝士

古柏森然地修嚴蜀相祠一過榮異代三顧盛當時



唐詩卷之六  
功德流何遠馨香薦未  
敬名採國志飾像慰毗思  
昔謁從征蓋今聞擁信旗  
固宜光寵下有淚刻前碑

御製段太尉碑

葉元良

多難全高節時清軫聖君  
園塋標石篆雨霽降天文  
義激忠貞沒詞傷蘭蕙焚  
國人皆墮淚王府已銘勲  
揭出臨新陌長留對古墳  
睿情幽感處應使九泉聞

御製段太尉碑

薛有誠

葬儀從儉禮刊石荷堯君  
露跡垂繁字天哀灑麗文  
詔深榮嗣子海變記孤墳  
寶思皆涵象皇心永念勲  
雅詞黃絹妙渥澤紫泥分  
青史應同久芳名萬古聞

韓碑

李商隱

元和天子神武姿彼何人  
哉軒與義誓將上雪列聖  
耻坐法宮中朝四夷淮西  
有賊五十載封狼生貆貆  
生羆不據山河據平地長  
戈利矛日可麾帝得聖相  
相曰度晏子春秋仲尼聖相賊斫不死神扶持腰懸相印作都  
統陰風慘淡天王旗愬武  
古通作牙爪儀曹外郎載  
筆隨行軍司馬智且勇十  
四萬衆猶虎貔入蔡斬馘  
獻太廟功無與讓恩不訾  
帝曰汝度功第一汝從事  
愈宜爲辭愈拜稽首蹈且  
舞金石刻畫臣能爲古者  
世稱大手筆此事不繫於  
職司當仁自古有不讓言



訖屢頷天子願公退齋戒坐小閣濡染大筆何淋漓  
點竄堯典舜典字塗改清廟生民詩文成破體書在  
紙清晨再拜鋪丹墀表曰臣愈昧死上詠神聖功書  
之碑碑高三丈字如手負以靈鼈蟠以螭句竒語重  
喻者少讒之天子言其私長繩百尺拽碑倒麤砂大  
石相磨治公之斯文若元氣先時已入人肝脾湯盤  
孔鼎有述作今無其器存其辭嗚呼聖皇及聖相相  
與烜赫流淳熙公之斯文不示後曷與三五相攀追  
願書萬本誦萬過口角流沫右手舐傳之七十有三  
代以爲封禪玉檢明堂基

題酸棗縣蔡中郎碑

王建

蒼苔滿字土埋龜風雨銷磨絕妙詞不向圖經中舊  
見無人知是蔡邕碑

讀任彥昇碑

李商隱

任昉當年有美名可憐才調最縱橫梁臺初建應惆  
悵不得蕭公作騎兵

王思道碑堂下作

劉禹錫

蒼蒼宰樹起寒煙尚有威名海內傳四府舊聞多故  
吏幾人垂淚拜碑前

庚寅歲十一月新羅弘惠上人與本國同書



請日休爲靈鷲山周禪師碑將還以詩送之  
皮日休

三十麻衣弄渚禽豈知名字徹鷄林勒銘雖卽多遺  
草越海還能抵萬金鯨鬣曉掀峯正燒鼈睛夜沒島  
還陰二千餘字終天別東望辰韓淚灑襟

奉和爲靈鷲山周禪師碑 陸龜蒙

一函迢遞過東瀛祇爲先生處乞銘已得雄詞封靜  
檢却懷孤影在禪庭春過異國人應寫夜讀滄洲怪  
亦聽遙想勒成新塔下盡望空碧禮文星

內狀

內狀詩高楊白二員外 元稹

天門暗闕玉琤鉤畫送中樞曉禁清彤管內人書細  
膩金奩御印篆分明衝街不避將軍令跋勅兼題宰  
相名南省郎官誰待詔與君將向世間行

檄

檄

李嶠

羽檄本宣明由來木聲聯翩至漢國迢遞入燕營  
毛義持書去張儀韞璧行曹風雖覺愈陳草始知名

朱版

贈庾十二朱板

時庾在翰林  
朱書板上

李商隱



唐詩類苑 卷之二十九  
固漆投膠不可開贈君珍重抵瓊瑰君王曉坐金鑾殿只待相如草詔來

紙

紙

李嶠

妙跡蔡侯施芳名古伯馳雲飛錦綺落花發縹紅披舒卷隨幽顯廉方合軌儀莫驚反掌字當取葛洪規

書樂天紙

元稹

金鑾殿裏書殘紙乞與荊州元判司不忍拈將等閑用半封京信半題詩

牋

酬崔駙馬惠牋百張兼貽四韻

楊巨源

百張雲樣亂花開七字文頭豔錦回浮碧空從天上得殷紅應自日邊來捧持價重凌雲葉封裹香深笑海苔滿篋清光應照眼欲題風韻媿凡才

墨

詠墨

李嶠

長安分石炭上黨結松心遶畫蠅初落含滋綬更深悲絲光易染疊素彩還沈別有張芝學書池幸見臨  
訓張司馬贈墨

李白



上黨碧松煙夷陵丹砂末蘭麝凝珍墨精光乃堪掇  
黃頭奴子雙鷓髮錦囊養之懷袖間今日贈余蘭亭  
去興來灑筆會稽山

筆

詠筆

李嶠

握管門庭側含毫山水隈霜輝簡上發錦字夢中開  
鸚鵡摛文至麒麟絕句來何當遇良史左右振奇才

賦詠宣州筆

耿湣

寒竹漸虛受纖毫任幾重影端緣守直心勁嬾藏鋒  
落紙驚風起搖空露濃丹青與事捨此復何從

李員外寄紙筆

韓愈

題是臨池後分從起草餘兔尖鍼莫並繭淨雪難如  
莫怪殷勤謝虞卿正著書

楊尚書寄柳筆知是小生本樣令更商摧使

盡其功輒獻長句

柳宗元

截玉銛錐作妙形貯雲含霧到南溟尚書舊用裁天  
詔內史新將寫道經曲藝豈能裨損益微辭祇欲播  
芳馨桂陽卿月光輝徧毫末應傳顧兔靈

硯

詠硯

楊師道



唐言類苑 卷之二十九  
圓池類壁水輕翰染煙華將軍欲定遠見棄不應賒

硯

李嶠

左思裁賦日王充作論年光隨錦文發形帶石巖圓  
積潤循毫裏開池小學前君苗徒見藝誰詠士衡篇

石硯

杜甫

平公今詩伯秀發吾所羨奉使三峽中長嘯得石硯  
巨璞禹鑿餘異狀君獨見其滑乃波濤其光或雷電  
聯坳各盡墨多水遞隱見揮灑容數人十手可對面  
比公頭上冠正質未爲賤當公賦佳句況得終清宴  
公含起草姿不遠明光殿致于丹青地知汝隨顧盼

古石硯

李山甫

追琢他山石方圓一勺深抱真唯守墨求用每虛心  
波浪因文起塵埃爲廢侵憑君更研究何啻直千金

謝友生遺端溪硯瓦

李咸用

尋常濡翰次恨不到端溪得自新知已如逢舊解攜  
翫餘輕照乘謝欲等懸黎靜對勝凡客閑窺憶好題  
媧天補剩石昆劍切來泥著指痕猶濕停旬水未低  
呵雲潤柱礎筆彩飲虹霓鵠眼工諳謬羊肝士乍割  
連澌光比鏡囚墨膩於鑿書信成池黑吟須到日西  
正誇憂盜竊將隱怯攀躋捧受同交印矜持過秉珪



草顛終近旭，嬾癖必無嵇。用合緣鸚鵡，珍應負會稽。  
貞姿還落落，寒韻或淒淒。風月情相半，煙花勢豈迷。  
宜從方袋挈，枉把短行批。磈小金爲斗，泓澄玉作隄。  
遇人依我惜，想爾與天齊。

贈徐希仁石硯別

盧仝

靈山一片不靈石，手斲成器心所惜。鳳鳥不至池不成，蛟龍乾蟠水空滴。青松火鍊翠煙凝，寒竹風搖遠天碧。今日贈君離別心，此中至淺造化深。用之可以過珪璧，棄置還爲一片石。

楊生青花紫石硯歌

李賀

端州石工巧如神，踏天磨刀割紫雲。傭刈抱水含滿唇，暗灑萇弘冷血痕。紗帷晝暖墨花春，輕漚漂沫松麝熏。乾膩簿重立脚勻，數寸光秋無日昏。圓毫促點聲靜新，孔硯寬頑何足云。

唐秀才贈端州紫石硯以詩答之

劉禹錫

端州石硯人間重，贈我因知正草玄。闕里廟堂空舊物，開方竈下豈天然。玉蜍吐水霞光靜，綵翰搖風絳錦鮮。此日傭工記名姓，因君數致墨池前。  
襲美以紫石硯見贈以詩迎之



陸龜蒙

霞骨堅來玉自愁  
琢成飛燕古釵頭  
澄沙脆弱聞應  
伏青鐵沈埋見亦羞  
最稱風亭批碧簡  
好將雲竇漬  
寒流君能把贈閒  
吟客徧寫江南物  
象酬

以紫石硯寄魯望兼酬見贈

皮日休

樣如金蹙小能輕  
微潤將融紫玉英  
石墨一研爲鳳  
尾寒泉半勺是龍睛  
騷人白芷傷心暗  
狎客紅筵奪  
眼明兩地有期皆  
好用不須空把洗  
溪聲

詩筒

醉封詩筒寄微之

白居易

一生休戚與窮通  
處處相隨事事同  
未死又隣滄海  
郡無兒俱作白頭翁  
展眉只仰三杯後  
代面唯憑五  
字中爲向兩州郵  
吏道莫辭來去遞  
詩筒

與微之倡和來去常以竹筒貯詩陳協律美而成篇因以此答

白居易

揀得琅玕截作筒  
緘題章句寫心胸  
隨風每喜飛如  
馬渡水常憂化作龍  
粉節堅如太守信  
霜筠冷稱大  
夫容煩君讚詠  
心知愧魚目驪珠同一封

書筒



唐詩類苑 卷之二十九  
五十五  
訓宇文少府見贈桃竹書筒

李白

桃竹書筒綺繡文良工巧妙稱絕群  
靈心圓映三江月彩質疊成五色雲  
中藏寶訣峨嵋去千里提攜長憶君

書船

忽不貧喜盧仝書船歸洛 孟郊

貧孟忽不貧請問孟何如盧仝歸洛船  
崔魏但載書江潮清翻翻淮潮碧徐徐  
夜信爲朝信朝信良卷舒江淮君子水  
相送仁有餘我去官色衫肩經入君盧

喃喃肩經郎言語傾琪居琪居鏗好詞  
烏雀躍庭除書船平安歸喜報鄉里間  
我願拾遺柴巢經於空虛下免塵土侵  
上爲雲霞居日月更相鎖道義分明儲  
不願空岩堯但願實工夫實空二理微  
分別相起予經書荒蕪多爲君勉勉鋤  
勉勉不敢專傳之方在諸

文集櫃

題文集櫃

白居易

破柏作書櫃櫃牢柏復堅收貯誰家集  
題云白樂天我生愛文字自幼及老年  
前後七十卷小大三千篇誠知終散失  
未忍遽棄捐自開自鎖閉置在書帷前



身是鄧伯道世無王仲宣只應分付女留與外孫傳

唐詩類苑卷第六十九終



